

COMMENTARIVS  
PRO. RE. DOMESTICA  
ET NUMMARIA  
SALVTEQVE. ANIMARVM  
IN PRIMIS. CONSERVANDA  
Ad Christiani Orbis Vniuersitatem  
A Fr. ANGELO. ROCCHA  
EPISCOPO. TAGASTENSI  
& Apostolici Sacrarij Praefecto  
DIRECTVS  
CONTRA. LVDVM. ALEARVM  
CHARTARVM SCILICET  
AC TAXILLORVM

Iuxta Sacrosancta Concilia, Leges Canonicas, &  
Ciuiles, non solum à Christianis fidelibus,  
*Sed etiam ab Ethnicis iuxta Sanctiones Ciuiles ve-*  
*ritum, ac detestandum ob multa peccata,*  
*& damna, & quidem horrendissima.*  
*Quæ ex Ludis illis abominandis suboriuntur.*  
*Ludo tandem ingenio, & quidem honesto, atq. om-*  
*nibus licito pro animi recreatione, vel otio*  
*fugiendo in medium allato.*

ROMAE,  
Apud Guillelmum  
Facciottum.

*Superiorum Permissu.*

Anno Domini  
M.DC.XVI.

THEOLOGIA

PHILOSOPHIA

17 MAY 1960  
17 MAY 1960

1129



2. AMON  
1945-1946

COMMENTARIVS  
CONTRA·LVDVM  
ALEARVM

A D  
OMNIPOTENTIS·DEI  
AC·DEIPARAE·MARIAE  
SEMPER·VIRGINIS

GLORIAM  
ET·AD·OMNIVM·SANCTORVM·HONOREM

*Necnon*

A D·REM·DOMESTICAM  
ET·NUMMARIAM,

SALVTEMQVE·ANIMARVM  
IN PRIMIS·CONSERVANDAM

CONSCRIPTVS

ET·CHRISTIANI·ORBIS  
VNIVERSITATI  
DICATVS.

CONSTITUTIONAL

OF THE

UNITED STATES

OF AMERICA

ARTICLE I

SECTION 1

ALL LEGISLATIVE POWERS

SHALL BE

VESTED IN A BODY OF SENATORS

AND HOUSE OF REPRESENTATIVES

SECTION 2

THE HOUSE OF REPRESENTATIVES

SHALL BE COMPOSED OF

MEMBERS AND DELEGATES

CHOSEN BY THE PEOPLE

OF EACH STATE

# A V C T O R E S IN. COMMENTARIO C I T A T I.

A



**B B A S** Panormi-  
tanus Canonista.  
**Acron** Gramma-  
ticus.  
**Alexander de Ales**

*Theologus.*

**Alexander ab Alexandro** Iuri-  
peritus.

**S. Ambrosius** Ecclesia Doctor.

**Andreas Alciatus** Iuriconsul-  
tus.

**Andreas Tiraquellus** Iuricon-  
sultus.

**Angelus de Clauasio** Auctor An-  
gelica summa.

**B. Antoninus** Episcopus Floren-  
tinus.

**L. Apuleius** Philosophus Platon-  
icus.

B

**B** Arnabas Briffonius Iuri-  
sta.

**Bartholomaeus Fumus**, Auctor

*Summa Armilla.*

**S. Basilius Magnus**, Theologus,  
& Episcopus.

**S. Beda**, Venerabilis nuncupatus.  
**Benedictus** Auctor veteris care-  
monialis.

**S. Bernardus**, Abbas Clareual-  
lensis.

**S. Bonauentura**, Episcopus Car-  
dinalis Albanensis, & Eccle-  
sia Doctor.

C

**C** Oncilia contra Ludum  
Alearum.

Generalia.

**Concilium Constantinopolita-  
num.**

**Concilium Lateranense.**

**Concilium Tridentinum.**

Prouincialia.

**Concilium Aquileiense.**

**Concilium Elibertinum.**

**Concilium Mediolanense.**

M. P. Cato

*M. P. Cato Stoicus Philosophus  
Vticensis.*

*Casarius Heisterbachensis.*

*M. T. Cicero Orator insignis.*

*Cornelius Tacitus Historicus in-  
signis.*

*S. Cyprianus Episcopus, & Mar-  
tyr.*

**D**

**D** *Idacus Couarruias.*

*S. Dionysius Areopagita.*

**F**

**F** *Estus Pompeius Gramma-  
ticus.*

**G**

**G** *Abriel Biel Theologus.*

*Gaspar Vaserus.*

*Gentianus Heruettus Orator.*

*Gregorius Sayrus.*

*Gregorius Tholosanus I. V. D.*

*Guido Archidiaconus Bononien-  
sis.*

*Guido de Baypho, vel Bayso.*

**H**

**H** *Enricus Cardinalis Ostien-  
sis.*

*Herodotus Alicarnasseus.*

*S. Hieronymus Ecclesia Doctor.*

*Horatius Poeta.*

**I**

**I** *Acobus Spiegelius.*

*Innocentius I I I. Pont.  
Max.*

*Ioannes Antonius Summontus.*

*Ioannes Azorius.*

*Ioannes Fungerus.*

*Ioannes Maria Verratus.*

*Ioannes de Salas.*

*Ioannes Saresberienfis.*

*Ioannes Tristhemius, Scriptor  
insignis.*

*Iodocus Clitoveus; & Lori-  
chius.*

*S. Isidorus Episcopus Hispalen-  
sis.*

*Iustinianus Imperator.*

*Iuuenalis Poeta.*

**L**

**L** *Iuius Historicus insignis.*

*Ludouicus Lopez.*

**M**

**M** *Artialis Poeta.*

*Martinus Doctor Na-*

uarrus Canonista.

B. Maximus.

M. P. Cato.

M. Terentius Varro.

M. Tullius Cicero.

N

Nicolaus Abbas Panormi-  
tanus Canonista.

O

O Nupbrius Ofsecutus Epi-  
scopus Florentinus.  
Ouidius Poeta.

P

Petrus Andreas Canonberius.  
Petrus Damianus S. R. E.  
Cardinalis.

Petrus Gregorius Tholosanus I.  
V. D.

Petrus Paludanus Theologus.

Plato Philosophus Atheniensis.

Philostratus Sophista.

Plinius Iunior.

Polydorus Virgilius.

T

S. R Aymundus Canonista  
insignis.

Raynerius Pisanus Theologus.

Renerus Budelius.

Ricardus de Media Villa Theo-  
logus.

S

S Seneca Philosophus Academi-  
cus.

Siluanus Razzius.

Siluester de Prierio.

Suetonius Tranquillus.

T

T Heodorus Balsamon Pa-  
triarcha Antiochenus.

Titus Liuius Historicus insignis.

S. Thomas Doctor Angelicus.

Thomas Caietanus.

Thomas Cantipratanus.

V

V Arro. M. Terentius Var-  
ro.



Imprimatur, Si videbitur Reuerendissimo Patri Magistro Sacri Palatij Apostolici .

*Cesar Fidelis Vicegerens .*

**E**Go Frater Gregorius Nunnius Coronel Lusitanus Ordinis Eremitarum Sancti Augustini professor, & Sacrae Theologiae Doctor, ex commissione Reuerendiss. Patris Sacri Palatij Magistri, quam maxima potui diligentia legi, & expendi hunc Commentarium de vetito Alea ludo, compositum à Reuerendiss. Domino Fratre Angelo Roccha Episcopo Tagastensi, & Apostolici Sacrarij Praefecto, in quo nihil reperi, quod vel Fidei Catholicae, vel bonis moribus, Sacrorum Conciliorum Decretis, aut Sanctorum Patrum dictis ( meo iudicio ) repugnet: quin potius continet aliqua, quae Authoris eruditionem, & pietatem non obscure ostendunt; dictumque Commentarium impressione dignum reddunt. In quorum fidem, &c. Die xix. Aprilis M. DC. XVI.

*Idem qui supra manu propria .*

Imprimatur.

Fr. Hyacinthus Petronius, Ordinis Praedicatorum, Sacri Apostolici Palatij Magister .



# DE HOROLOGIIS

ET CAMPANIS

HOC IN COMMENTARIO

delineatis, & ære incisis, Declaratio.



VM de Turrium præstantia, & admirandis quorūdam Horologiorum structuris, necnon de musico Campanarum concentu, musicam item Organorum harmoniam repræsentante, loqueremur, in medium attulimus nonnulla, quæ indigebant delineatione, ut quæ scripta sunt, facilius intelligerentur.

Ad hanc rem præstandam primo loco apponere libuit Horologium Sancti Marci Venetiarum delineatum, & ære incisum.

Campanula illa, quæ sub maiori Campana horarum extare cernitur, malleolo percussa, anteaquam horæ pulsentur, dat soni-

Cap. 12.

Pag. 86.

tum , quo dato , Campana horarum hinc inde pulsatur à duobus effictis ex ære Mauris . Deinde è dudrum ostiolorum vno , inter quæ Deiparæ Mariæ semper Virginis sculpta infra Hōrologium Imago sedens repræsentatur , Angelus tubam , vti iam diximus , personando exit , vt alterum ostiolum ingrediat , à tribus comitatus Magis , qui dum ante dictam Imaginem transeunt , sese artificiosè flectunt , & inclinato capite , manu ad frontem directâ , ipsam Imaginem , corona è capite cuiusque amota , venerantur , Angelumq. intra ostiolum ingredientem sequuntur . Id quod Franciscus Sansouinus in eiusdem Ciuitatis descriptione satis fusè , ac bellè quidem scriptum reliquit .

Stella vero , quæ supra Imaginem Deiparæ Mariæ semper Virginis cernitur , Magis infra transeuntibus apparet , deinde in suum sese retrahit locum ; Infra denique cernitur Sphæra stellaria , & horaria , in qua repræsentantur duodecim Signa cælestia , & Solis radius horas ostendens , atque item Sol ipse , qui singulo quoque Mense in domo sibi præfixa manet . In centro autem Sphæræ cernitur Luna , quæ inter multitudinem Stellarum

suas facit mutationes . Infra vero Campanam horarum per Leonis Imaginem iuxta Scripturam Sacram repræsentatur Sanctus Marcus Euangelista , præcipuus Venetiarum Protector , ad cuius pedes Dux item Venetus cernitur genuflexus . Hæc de Horologio Sancti Marci Venetiarum.

Apoal. 4.

Secundo loco sese nobis offert explicandum Horologium Leodij , quod est Germaniæ inferioris, hoc est, Flandriæ Ciuitas maxima : Ibi enim præter magnitudinem , & multitudinem Campanarum , quæ dum organorum instar pulsantur , musicum reddunt concentum , vt in capite 12. satis fusè narrauimus ; in Ecclesia Cathedrali , Sancto Lamberto dicata, extat etiam Horologium mira arte constructum , sicut Rotæ , ac funiculi multiplices præferunt . Quælibet enim hora in quattuor distinguitur partes , quæ à quattuor Statuis illis ex ære fictis distinctè pulsantur ; quibus pulsatis , à Statua illa inferiori pulsatur Horarum Campana , quæ Horas distinctè personando refert .

Cap. 12. pag. 82. 83. 84.

Cap. 13.

Tertio loco repræsentatur modus pulsandi magnas in Belgio Campanas , hoc est , in Flandriæ , Galliæ Belgicæ Regione . Nam

Cap. 12. pag. 83.

in Cathedrali præsertim Ecclesia Leodiensi  
 Sancto Lamberto dicata (vti iam in capite  
 duodecimo huiusce Commentarij dictum  
 fuit) octo sunt amplissimæ Campanæ, mi-  
 nusculæ verò duodecim ad Horarum pulsa-  
 tionem accommodatæ. Ad Campanæ ha-  
 rum maximæ pulsationem quattuor & vigin-  
 ti requiruntur homines. Maxima hæc enim  
 Campana duabus, & quidem magnis est  
 cinctæ rotis, quæ circumligatæ sunt duobus  
 deorsum pendentibus funibus, quibus item  
 alligati sunt quattuor & viginti alij funiculi.  
 Deinde homines duodecim trahunt vice ver-  
 sa funes ab vna parte; ita vero, vt, quando  
 pars vna deorsum trahit, altera sursum tra-  
 hat. Qui sane modus in pulsandis Campa-  
 nis pro musico efficiendo concentu per to-  
 tum Belgium obseruatur, sicut dictæ Ciui-  
 tatis, & Regionis Indigenæ, qui Romæ de-  
 gunt, omnino affirmant.

Quarto denique loco sese nobis offerunt  
 triginta tres promiscuæ magnitudinis Cam-  
 panæ, delineatæ, ac ære incisæ, quæ sunt in  
 Cathedrali, & primaria quidem Antuer-  
 piensi Ecclesia, Deiparæ Mariæ semper Vir-  
 gini dicata, cuius Turris admirandæ altitu-

dinis

dinis, ac structuræ dictas continet Campa-  
 nas. De præstantia huiusce Ecclesiæ, ac Tur-  
 ris, necnon de dictis Campanis, earumq.  
 harmonia musica sermonem habuimus in  
 duodecimo huiusce Commentarij capite  
 iuxta Georgij Braunij verba. Nunc autem  
 ad maiorem dictæ delineationis Campana-  
 rum intelligentiam nonnulla explicanda cen-  
 sentur. Turris enim triginta trium Campa-  
 narum non solum est alta pedes quadringen-  
 tos viginti, vti suo iam diximus loco, sed in-  
 tus habet trecentos, & sexaginta tres gradus,  
 per quos ascenditur ad Campanarum fasti-  
 gium. Habet etiam intus diuersa loca satis  
 ampla, in quibus pendent Campanæ, præ-  
 fertim vero triginta tres promiscuæ magni-  
 tudinis Campanæ illæ, quæ quotidie tam  
 pro dininis officijs, quàm animi causa, siue  
 pro oblectamento præstando pulsantur. Su-  
 pra dictas Campanas extat Horologium cum  
 Campana, quæ pulsat horas. Extat etiam  
 superius alia contignatio, in qua pendent  
 Campanæ, quæ præludium aliquod, vel, vt  
 Musici aiunt, Motectum, in maioribus nempe  
 Festiuitatibus, anteaquam horæ pulsantur, so-  
 nant. Alio denique in loco ad latus eius tres

Cap. 12.  
 pag. 81. 82.

Pag. 81.

magnæ

magnæ pendent Campanæ , quarum maior , triumphalis dicta , motu primo nonnisi à viginti hominibus pulsari potest ; deinde à duodecim tantum viris facile pulsatur , quæ tandem cum alijs duabus , in maioribus tamen Festiuitatibus , musicum refert concentum , quem vulgò Musici contrapunctum vocant.

Triginta tres denique Campanæ illæ quarto loco delineatæ , ac ære incisæ , seu potius earundem mallei per rotulas , & funiculos mouentur : & ita , vt suo loco videre licet , Campanæ ipsæ Organorum instar manibus ac pedibus pulsantur : & hunc in modum pulsatæ tam consonantem edunt sonum , & diuersas Ecclesiasticas melodias ita exprimunt , vt ab harmonia musica ( Georgio Braunio teste ) vix cum distinxeris , vti suo iam loco dictum fuit .




Cap. 12.  
pag. 83.

Cap. 13.  
pag. 84.







# COMMENTARIVS

DE VETITO ALEARVM LVDO,

SVB QVO CHARTAE LVSORIAE, TESSERAE,

Taxilli, vel Tali, & Orbiculi, necnon Tabulae,

siue Aluepli ob Taxillos, & alij Ludi

comprehenduntur, in quibus fortuna dominatur.



**N**OS de vetitis Alearum ludis, ac detestandis verba facturi, prius Ludorum nomina in Titulo proposita explicare studebimus; & Aleæ inuentorem apponemus; Deinde in medium afferemus Sacrosancta Concilia, Ciuiles, & Canonicas Leges, quibus dicti ludi sub pœnis vetiti sunt ob multa mala, quæ ex illis nascuntur, horrendis Aleatorum euentibus ad ludum Alearum euitandum enarratis. Postremò in medium afferemus Doctores Sanctos, qui ostendunt, quomodo in huius generis ludo peccatum mortale, & quidem graue contrahatur; necnon quonam modo, & quando lucrum in tali ludo factum, iuxta Distinctiones ad hanc rem pertinentes, quas afferunt in medium S. Thomas Doctor An-

gelicus, & alij Sancti Scriptores, & Doctores Theologi, restituendum omninò sit; Alea-  
rumque loco animi recreandi, vel otium fu-  
giendi gratia, Latrunculis, vel Scacchis inter-  
dum ludendum esse concludemus. Nam hoc  
ludo cuicumque homini, honore, ac dignitate  
præstanti, vti licet, cum in eo humanum in-  
genium dominetur.

*De Alearum nominibus.*



Azor. p. 3. l.  
5. cap. 24.

Spiegel. in  
suo lexico.

LEAE nomen quamvis pro  
omni ludo, qui in varietate  
fortunæ consistit, sumi queat  
iuxta sententiam, vel opinio-  
nem aliquot Scriptorum, quo-  
rum è numero est Ioannes Azorius in Tertia  
parte Institutionum Moralium, dicens: *Alea*  
*ludus comprehendit Ludum Chartarum Lusoria-*  
*rum, Taxillorum, Tabularum, & Sortium*; pro-  
priè tamen, vt ait Iacobus Spiegelius, accipi  
solet pro Tesseris, quæ Tali etiam, vel Taxilli,  
& vulgò Dadi vocitantur; Tesserae autem,  
Tali, vel Taxilli, & Cubi, vel Dadi sunt idem,  
diuersi verò quantum ad numerum laterum,  
& punctorum, quæ in lateribus Taxillorum

extant

extant : Taxillorumq. vel Tesserarum , siue Cuborum ludi à Platone de Legibus , & ab Aristotele in Rhetoricis περὶ τῶν πεττῶν , & κύβων , cybia nuncupatur : Talus enim Cræcè τῆλός , pettos , & κύβος cybos, dicuntur: hinc Tali, Tesseræ, atque Alea, Cubi etiam appellantur , vt Ioânes Fûgerus in suo Etymologico trilingui affirmat. Propterea non desunt alij, qui Aleæ nomen pro Chartis lusorijs passim intelligendum esse velint. Alea itaq. sumitur pro Talis, & Chartis Lusorijs , vt Polydorus Virgilius , & alij scribunt . Quoniam verò Alea sumi solet, eodem Polydoro teste , pro quouis etiam ludo, qui casu potius, quàm arte gubernatur ; ille quoque metaphoricè dicitur , *Aleam iacere* , qui se periculo exponit . Emere item Aleam dicitur ille, qui incertæ rei futuræ spem emit . Subire item Aleam, est periclitari , & obiectare sese fortunæ dubiæ ; tractum ab Aleatoribus , qui in foro aleatorio variè agitantur , & repentè victores, repente victi , dubio euentu examinantur . Hinc Liuius ait : *Dubiam imperij, seruitijque Aleam subimus* . Extra autem omnem aleam aliquid esse dicimus, de quo dubium non est, sed extra omne periculum , omnemq. controuersiam illud esse constat .

Plato de Legibus. Arist. in Rhet.

Io. Fungerus in Etym. trilingui Chartæ lusoriæ .

Polyd. Virg. lib. 2. de Inuent. rerum pag. 121. cap. 13.

Alea metaphoricè sumpta ex Spiegel. in Lexico.

Tit. Liu. lib. ab Vrbe.

Polyd. Virg.  
de Inuent.  
rerum lib. 2.  
cap. 13.

Par impar  
ludere.

Sueton. in  
Augusto.

Par Impar  
ludere.

Varro de lin  
gua latina.

Cic. lib. 2. de  
Div.

Fuerunt etiam apud antiquos, Polydoro Virgilio teste, alia ludorum genera, in quibus fortuna omninò dominatur, vt est illud, *Par impar ludere*, cum quis nummos manu occultat, petitque ab altero, *Par ne*, an *Impar* eorum sit numerus. De hoc autem ludo, vt Suetonius Tranquillus refert, loquutus est Octavius Augustus, Alexæ indulgens, dum ad Filiam scripsit in hæc verba: *Misi tibi denarios ducentos quinquaginta, quos singulis conuiuiis dederam, si vellent inter se post Cœnam, vel Talis, vel Par impar ludere*. Huic autem satis ad simile illud est, quod fit per digitos, hoc est, cū duo, clausis manibus, vocantes certum numerum, subinde digitos porrigunt. Exempli causa; ego tres digitos, tu totidem. Ego autem quattuor nomino, tu verò sex: Ita tu, qui numerum uocando, diuinasti, iam vicisti. Sed quia digiti ita explicati subito apparent; idcirco per Metaphoram, siue Translationem, *Micare*, capitur pro digitis sortiri, iuxta illud Varronis dicentis: *Micandum erit cum Græco, utrum ego illius numerum, an ille meum sequatur*. Cicero item in libro secundo de Diuinatione ita inquit: Quid enim fors est? idem propè modum, quod, *Micare*, quod *Talos iacere*, quod *Tesseræ*. Huius generis ludus Italicus

est

est notus, vulgòq. *Mor*, vel *Morra* vocitatur, quasi *impar*, idest, stultitia, quòd scilicet digitorum iactatio, signum sit leuitatis, & vulgò dicitur : *Giocare alla morra* ; Latinè autem *Micare digitis*, siue ludere *Par impar*, vti dictum est . Ideò virum grauem huiusmodi ludus non decet, quo tamen non nisi infimi status homines hodie vti solent . Nunc reliquum est, vt Alearum Inuentorem ostendamus .

Morra vnde dicatur, & quid sit .

*De Alearum inuentione, ac nomine .*



LE AE ludus, vt S. Isidorus Hispalensis Episcopus ait, inuentus fuit à Græcis in otio Troiani belli à quodā Milite nomine, *Alea*, à quo & ars, & nomen accepit . Vel, vt inquit Philostratus in Heroicis, Palamedes Tesserrum, siue Talorum inuentor, in Castris Græcorum contra Troianos, dum otia Miles ageret, *Aleam* inuenit . Ioannes autem Serosberienfis in Policratico, siue in libro de Nugis Curialium, & Vestigijs Philosophorum, Alearum Inuentorem Athalum Asiaticum fuisse scribit . Vel fortasse, vt nonnulli aiunt, dictus Aleæ ludus ita nuncupatus fuit, eo quòd fuerit inuentus in quadam Arcadiæ Ciuitate, quæ

Isidor. in Ety-molog. lib. 18. cap. 57.

Miles Alea dictus.

Philostratus.

Io. Serosberienf. l. 1. c. 5.

Athalus Alearum Inuentor.

Alea Vrbs. Arcadiæ.

Herod in Li  
Mufarum &  
9.  
Alea Miner-  
uz cognomen.

Alea Græcè  
quid.

Plato in Phæ-  
dro.  
Dæmonquid  
Theut mul-  
tarum rerum  
Inuentor.

Herod. in  
Clio lib. 1.  
pag. 45.  
Lydi Alearū  
Inuentores.

*Alea* nuncupatur. Sicut etiam (teste Hero-  
doto) *Alea* fuit cognomen Mineruz, quæ cir-  
ca eandem Arcadiæ Urbem, *Aleam*, colebā-  
tur. Alea enim pro ludo sumpta originem,  
aut significationem non trahit à Græco fonte:  
nam Alea <sup>ΑΛΕΞ</sup> Græcè dicta, calorem, vel fer-  
uorem significat, siue locum aprium, & soli  
expositum: nisi dicamus dictum ludum à Græ-  
cis vocitatum esse *Aleam* ob nimium lucrandi  
feruorem, quo Aleatores in ludendo agitan-  
tur; Ardor enim tantus inest lusoribus, ut nu-  
dati omnem verecundiam perdere videantur.  
Plato in Phædro, vel in Dialogo de Pulchro  
refert, quemdam Aegypti Dæmonē, hoc est,  
ut vox Græca significat, Sapientem nomine  
*Theuth* primum omnium Numerum, & Nu-  
meri computationem, Geometriam, Astrono-  
miam, Talorum, & Alearum ludos, atque lit-  
teras inuenisse. Herodotus autem in libro  
Mufarum primo, idest in Clio, Lydos primos  
*Alea*, *Tesserarumque* ludum, hoc est, *Talorum*, vel  
*Taxillorum*, qui vulgò *Dadi* vocitantur, & cete-  
ra ludorum genera, præterquam *Calculorum*,  
siue *Latrunculorum*, qui vulgò *Scacchi* dicuntur,  
excogitasse scribit; Latrunculorum enim lu-  
dum sibi non vendicant Lydi.

Vt cumque verò sit, *Alea*, pro quouis ludo,

qui



qui casu potiùs, quàm arte gubernatur, sumi solet, præsertim verò pro Chartarum, vel Tesserarum, vel Taxillorum ludo, in quo fortuna dominatur ; vt Scriptores affirmant omnes . Quamuis autem Aleorum, idest, Chartarum, ac Taxillorum ludus secundum se, & ex propria ratione sua malus non sit, nec peccatum ; ex adiunctis tamen malis circumstantijs redditur malus, & mortale peccatum, atque satis graue, hoc est, si ei ludo quasi ex officio inseruiatur ; necnon si dilectioni DEI, & Proximi præponatur ; si tempore, ac loco, quo alia bona opera fieri debent, exerceatur ludus ipse ; si etiam cum fraude, mendacio, rixa, contentione, iuramento, periurio, aut blasphemijs societur ; Vel si denique necessaria Familiæ, ludo exponantur ; Aut cum similibus alijs, prauis videlicet circumstantijs coniungatur . Et quia frequenter Taxillorum, & Chartarum ludus cum hisce circumstantijs malis exerceri solet, hinc etiam frequentius redditur malus, & cum peccato mortali exercetur . Qua ratione ludus ipse mirum in modum à Doctoribus sanctis improbatus, & damnatus, ac denique à Sacrosanctis Concilijs, nec non à Civilibus, & Canonicis Legibus non solum apud Christianos, sed etiam apud Ethnicos

Aleorum ludus quomodo malus redditur .

iuxta eorundem legem, & iure quidem, vetitus inuenitur.

*Alearum ludus Civilibus Legibus, etiam ab  
Ethnicis vetitus, & maiorem in mo-  
dum damnatus.*

Horat. lib. 3.  
Carm. Ode  
34.



ORATIVS ille Flaccus Poe-  
ta in tertio Carminum libro  
Ode vigesimaquarta prohibi-  
tionem Alearum hisce indica-  
uit verbis:

Alex ludus  
ab Ethnicis  
vetitus.

*Nescit equo rudis  
Harere ingenuus puer;  
Venariq. timet, ludere doctior,  
Seu Græco inbeas trocho,  
Seu malis, vetita Legibus Alea.*

Lib. 2. Car.  
Ode 1. Lib. 1.  
Epist. ad Lol-  
lium Epist. 18.

Martial. in  
Distich.  
Iuuenal. Sa-  
tyra 34.

Hæc Flaccus, qui in secundo Carminum  
libro bellum propter incertum euentum  
*Aleam* appellat *periculosam*. Et in libro item  
primo Epistolarum eam *præcipitem nominat*, ad  
*homines nudandos aptam*. Martialis item, &  
Iuuenalis eam *damnosam*, ac *turpem vocita-  
re solent*. Hinc Licinius, Antonij collusor,  
Alea condemnatus apud Ciceronem inueni-

tur

tur in hanc verborum formam : *Licinium Lenticulam de Alea condemnatum, collusorem suum restituit : quasi verò ludere cum condemnato non liceret, sed ut, quod ille in Alea perdiderat, beneficio legis dissolueret . Et infra : Hominem omnium nequissimum , qui non dubitaret , vel in foro Alea ludere, lege, qua est de Alea, condemnatum , qui in integrum restituit , is non aptissimè studium suum ipse profitetur ?* Propterea scribens in Catillinam , Aleatores inter homines infamissimos connumerat , dum ait : *In his gregibus omnes Aleatores, omnes adulteri, omnes impuri, impudiciq. versantur ; & in Philippicis contra Antonium inquit : Domus erat Aleatoribus referta , plena Ebriorum .* Ovidius item lib. 1. de Ponto, Elegia 6. dum Aleæ lusus naturam contemplatur, eam blandam, sed fallacem nominat, quoniam ipsa, spe futuri lucri, semper allicit ; victorem quidem, ut in prosperum iam successum urgeat ; Victum spe sarciente iactura . Hæc Ovidius ad sensum Aristoteles denique in 4. Ethicorum libro cap. 1. Aleatores vehementer insectatur, dum eos inter fures , & latrones connumerat hisce verbis : *Aleatores ( inquit ) & fures , atque latrones illiberales sunt . Turpi enim versantur in lucro . Omnia namque causa questus agunt & sustinent probra . Atque fures quidem capien-*

Cic. in Ant. Phil. 2. to. 2.

Cic. vbi sup.

Alex ludus ab Ethnicis prohibitus .

Cic. in Cat. or. 2. to. 2.

Idem Cic. in 1. Phil. to. 1.

Ouid. lib. 1. de Ponto Eleg. 6. & lib. 4. Eleg. 2.

Arist. lib. 4. Ethic. vel Moralium Nichomachiorum cap. 1.

di gratia, maxima pericula subeunt; Aleatores autem ab amicis, quibus dare oportet, lucrantur, Utriq. unde non oportet, lucrari volentes, turpi in lucro versantur. Et omnes tales accipiendi actus illiberales sunt. Hæc dicto in loco Aristoteles.

Senecæ pro-  
uerbium.

S. Hierony-  
mus.

Senecæ Epi-  
stolæ ad Pau-  
lum, & Pauli  
ad Senecam.

Nec silentio prætereundum videtur dictum illud, quod in Prouerbijs, quæ Senecæ adscribuntur; in hanc legitur verborum formam: Aleator (inquit) quanto est in arte melior, tanto est nequior. Quamuis autem Seneca, qui tempore Sanctorum Apostolorum floruit, quatenus Philosophus, & Orator insignis fuerit, & Neronis Magister, cum tamē S. Hieronymus in Catalogo Scriptorum Ecclesiasticorum inter Sanctos recenset hisce verbis: Senecam non ponerem in Catalogo Sanctorum, nisi me illa Epistola prouocarent, quæ leguntur à plurimis, Pauli ad Senecam, & Senecæ ad Paulum; in quibus, cum esset Neronis Magister, & illius temporis potentissimus, optare se dicit eius esse loci apud suos, cuius sit Paulus apud Christianos. Hinc ante biennium, quàm Petrus, & Paulus Martyrio coronarentur, à Nerone interfectus fuit. Hæc ex Hieronymo Sancto decerpfi, vt Senecæ Prouerbum præclarius reddatur.

Infamis denique apud Ethnicos fuit Aleatorum ludus. Hinc Octauius Cæsar

Augustus , cum adhuc luuenis ludo Alearum operam daret , ignominiam contraxit , vt explicant Versiculi de eo vulgati apud Suetonium in Oſtauo hiſce verbis :

*Postquam bis classe victus naues perdidit ,  
Aliquando vt vincat , ludit aſidue Alea .*

Suet.in Oſta  
nio pag. 31.  
32.

Hoc tamen vitium ſenex emendauit : nam eo tempore Talis , & Alea ludebat , ſed tantum oblectamenti cauſa inter cœnam , ſicut etiam Petrus Gregorius Tholoſanus refert in tertia Syntagmatis Iuris vniuerſi parte , lib. 39

Petrus Greg.  
Tholoſ. p. 3.  
pag. 62.

Omnibus hiſce de cauſis Alearum ludum ab Ethnicis vetitum fuiſſe legimus . Nunc reliquum eſt , vt videamus , quid à Chriſtifi-  
delibus contra turpem , & damnoſum , blandum , & fallacem Alearum ludum factum legatur .

Lib. 1. Codi-  
cis Tit. 6.

*Alearum Ludus à Chriſti Fidelibus vetitus .*



Vamuis ex primi Libri Codi-  
cis , nona Iuſtiniani Imperato-  
ris Authenticorum collatione ,  
lege XVII. de Sanctiſſimis Epi-  
ſcopis , Titulo , *Alearum* , ludus

Iuſtin. De E-  
piſc. & Cle-  
ricis Auth.  
coll. 9. lege  
17.

iste explicitè vetitus non legatur, implicitè tamen per ludū Tabularum, ludus item Alea rum eo in loco prohibitus censetur, dum §. *Interdicimus*, omnibus Ecclesiasticis viris, non solum ad Tabulas ludere, sed etiam ludentes inspicere interdicitur: Tabularum namque ludus, veluti etiam Alea est; propterea vetitus fuit, quia in eo plus fortunæ, aut forti, quàm ingenio, aut corporis viribus tribui solet, & iure quidem. Ideo non solum Clericis, vel Ecclesiasticis viris, *Sed etiam Laicis omnibus*, ( vt ait Nauarrus, explicans dictam Iustiniani Imperatoris collationem ) interdicitur ludus Alea in vniuersum, per quem significatur omnis ludus principaliter nitens sorte, aut casu, quàm industria, & arte, ex mente omnium: de quibus est ludus ad Tabulas per dictam Auth. §. *Interdicimus*, Tit. 6. de Sanctis Episcopis coll. 9. unde illa sumitur; qui licet multum nitatur industria, magis tamen fortuna. De quibus videntur etiam esse ludi Chartarum lusoriarum, quorum aliqui magna quidem industria nituntur, sed maiori fortuna. Hæc ad Verbum Nauarrus, qui tamen infra, & alio in loco Talos, & Chartas lusorias, sine ulla culpa etiam veniali à Clericis, Religiosis, & Monachis exerceri posse ait ob causam honestam, hoc est, ad excitandum, vel recreandum socium

Nauarrus in  
Man. cap. 19.  
nu. 6. & seq.  
pag. 274. nu.  
6.

De nono pre-  
cepto Deca-  
logi Auth. vt  
sup.

Nauarr. vbi  
sup. n. 3. & 6.

Aleazarum  
ludus quo-  
modo con-  
cedatur Na.  
6. Lucrum.  
Aleazarū quo-  
modo soluē-  
dum.



agrotum, ea re indigentem, modo non frangat legem ullam ad mortale peccatum obligantem; aut etiam honesti tantum solatij causa; & paruo quidem tempore, à prandio scilicet, vel à cena; nullius rei pecuniariae lucro proposito, vel solum alicuius esculentis, vel poculentis; quod his lueris factum semel solvatur; vel Spirituali lucro precum aliquarum pro vincente à victo dicendarum. Hæc ex Nauarri Manuali Confessariorum cap. 19. nu. 6. de nono Decalogi præcepto, in quo de ludorum generibus vetitis, & concessis non nisi iuxta Legum normas loquitur, præscriptas. Nec tamen ipse Nauarrus intelligit, prædictum ludum ex eo solum esse malum, & prohibitum, quia magis fortunæ, quam industriae nititur; sed quia, ut initio dictum est, cum pravis etiam exercetur circumstantiis.

*Alearum Ludus à Iustiniano Imperatore vetitus*



**Q**UOD denique Alearum item ludus à Iustiniano Imperatore vetitus expressè fuerit, ex tertio Codicis libro constat; Tit. 43. Lege xv. in qua hæc leguntur verba: *Alearum lusus antiqua res est, & extra*

Lucrum precum cap. 19. nu. 6.

si contrarij  
casus ad alia  
de iustitia  
vel

lib. 3. Tit. 43.  
Lege 15.

Iustin. Cod.  
lib. 3. Tit. 43.  
Lege 15. A-  
learum lusus  
anticus.



operas puginatoribus concessa. Verum pro tempore  
 prodijt in lacrymas multa millia extraneorum  
 Nationum suscipiens. Quidam enim nec ludentes,  
 nec ludum scientes, sed numeratione tantum, pro-  
 prias substantias perdidērunt, die, noctuque ludendo  
 argento, apparatu, lapidibus, & auro. Consequen-  
 ter autem ex hac inordinatione, blasphemare, idest,  
 DEO maledicere conantur, & instrumenta confi-  
 ciunt. Commodis igitur subiectorum prospicientes,  
 hac generali Lege decernimus, ut nulli liceat in  
 publicis, vel in priuatis domibus, vel locis ludere,  
 neque inspicere, & si contrā factum fuerit, nulla  
 sequatur condemnatio, sed solum reddatur, & a  
 actionibus competentibus repetatur ab ijs, qui dede-  
 runt, aut eorum heredibus, aut his negligentibus, &  
 eorum Procuratoribus, vel Patribus, seu Defensori-  
 bus, repetat Fiscus, non obstante, nisi quinquaginta  
 annorum prescriptione, Episcopis locorum hoc prouid-  
 entibus, & Praesidum auxilio utentibus. Deinde  
 verò ordinent quinque ludos, Comombelon, Co-  
 mondiaulomolō, Rhindalca, Kayron, Eperusan: sed  
 nec permittimus etiam in his ludere ultra unum  
 solidum, etiam si multum diues sit; ut si quem  
 vinci contigerit, casum grauem non sustineat. Non  
 enim bella solummodo benè ordinamus, sed & res  
 ludicras. Hæc Iustinianus, qui post prohibi-  
 tionem Alearum, in quibus omninò sors, aut

Lucrum in  
Alea factum  
restitui de-  
bet.

Annorum  
so. præscri-  
ptio.

Ludi a Iust.  
concessi.

Lucrum in  
ludis con-  
cessis notan-  
dum.

fortu-

fortuna dominatur, dicta ludorum genera, in quibus industria, & ars dominium habent, concedit, aut permittit exercenda sub solidi vnus præmio ei, qui vincit, dando.

Ludi cōcessi  
artem, & in-  
dustriam, cor-  
porisq. forti-  
tudinem re-  
spiciunt.

Tempore autem Iustiniani Imperatoris, & aliorum Cæsarum nomina Aureorum, & Solidorum indifferenter sumebantur, sicut affirmat Renerus Budelius in libro primo de monetis; Gaspar Vaserus in libro secundo de antiquis nummis; Brissonius in primo libro de significatione verborum Iuris, necnon alij in Commentario, seu Lexico verborum Iuris. Hinc Solidus hoc in loco pro aureo sumendus censetur. Quamvis autem aureus vetus maioris pretij, ac ponderis fuerit, quàm aureus, quo nunc utimur; ille tamen in Iure Ciuili nominatus, ad nostrum referendus est, vt Andreas Alciatus in Commentario de Iuris verborum significatione ait in hæc verba: *Nobis videtur aureum, quo hodie utimur, ex generali omnium Populorum consuetudine esse Veteri illi subrogatum: & ideo quæ de solido in Iure Ciuili cautæ sunt, ad nostrum hunc, quamvis leuioris sit ponderis, referenda sunt.*

Solidus, quæ-  
nam fuerit  
moneta.

Bud.

Vaser.

Brisson.

Alciatus.

Istuc ferè ipsum scriptum reliquit in suo Lexico Iacobus Spiegelius hisce verbis: *Licet aureus, qui hodie in usu est, minoris sit aestima-*

Jacob. Spie-  
gel. in voce  
Solidus.

tionis,

tionis, cum nonaginta sex ex eis libra contineat; Alciato tamen videtur, aureum, quo hodie utimur, ex generali omnium populorum consuetudine esse veteri illi subrogatum: & ideo quæ de solido in Iure civili cautæ sunt, ad nostrum hunc, quamvis leuioris sit ponderis, referenda censentur. Hæc de solido, pro aureo in lege Iustiniani circa illa quinque ludorum genera comprehenso mihi dicenda videbantur.

Huius generis fuisse reor solidos illos, qui Ecclesiasticis viris etiam S. R. E. Cardinalibus, & Summo Pontifici in aliquibus Festiuitatibus, vel Festis diebus ob actiones laboriosas in Ecclesijs præstitas, & expensas, atque dignitates olim dari solebant, ut legitur in manuscripto Cæremoniarum libro, quem (Guidone de Tiferno, idest de Ciuitate Castelli, S. R. E. Cardinale postulante; qui postea Anno Dom. 1143. ad Summum Pontificatum assumptus, & Celestinus II. dictus fuit) Benedictus Canonicus S. Petri Anno Dom. 1140. Romæ conscripsit. In eo libro narratur, quot cuique dari solebant solidi iuxta cuiuscumque functiones, ac dignitates. Maior autem summa erat viginti Solidorum, & hæc non nisi Summo Pontifici dari solebat. Ex hoc per antiquo Ritu originem traxisse vide-

tur

Codicis lib.  
3. tit. 42. lege  
15.

Liber Cære-  
moniarum an-  
tiquus asse-  
ratur in Bi-  
bliotheca  
Angelica Ro-  
mæ.

Benedictus  
Canonicus S.  
Petri Anno  
Dom. 1140.

tur mos ille , qui hodie obseruatur , quando Summus Pontifex Missam solemniter cantat: tunc enim Missa celebrata , S. R. E. Cardinalis Archipresbyter Basilicæ S. Petri, nomine Canonicorum , totiusque Capituli , dat ei pro Missa benè cantata, aliquot lulios argenteos antiquiores, & alias monetas, item argenteas ex antiquioribus, quæ inueniri possunt, iuxta tamen valorem circiter viginti, vel interdum triginta luliorum ad summum . Hæc per digressionem , occasione satis bellè sese oblata, mihi dicenda visa sunt in declarationem illius monetæ, quæ *Solidus* nuncupatur in Codicis libro, in quo nominantur quinque ludi a Iustiniano inuenti, & concessi .

Quænam autem sint illa ludorum genera , non satis constat, Alciato Teste , qui hunc locum salebrosissimum, idest, difficillimum esse ait, ob voces quinque ludorum fortasse corruptas, & hanc ob causam ipsa ludorum genera per coniecturam Alciatus interpretatur .

Glossator autem dictæ Legis, facit mentionem de quattuor tantum ludis, in quibus non nisi industriam , & fortitudinem corporis dominari ostendit, dicens : *Comombelon est ludus , ubi lapis in longum projicitur ; Comomdiaulomolon est ludus, ubi lapis, vel palus in breue spatium*

Ritus antiquus in Missa à Summo Pontifici e solemniter cantata .

Com ombelon, Comomdiaulomolô, Rhindalea, Experulan .

proijcitur : Rhindalca est ludus, ubi equites currendo in rem certam proijciunt : Experusan est ludus, ubi pondus dentibus eleuatur. Hæc Glossator (Ludo, Kayron, prætermisso) de ludis à Iustiniano Imperatore inuentis, & concessis, qui quâuis ad solam industriam, & fortitudinem corporis pertineant, in eis tamen ultra Solidum, vel Aureum ludere non permittit, etiam si ludentes ditissimi forent.

Quoniam verò quinque ludorum genera à Iustiniano concessa, ab ipsa sorte, aut fortuna sunt aliena, illa à sola corporis fortitudine, ingenijque arte, siue humana industria, vt etiam Glossator ostendit, dependere dicamus, oportet, cuiusmodi etiam sunt ludi Latrunculorum, Pilæ, ac Trochi, idque genus alij. Alearum itaque ludum à Iustiniano Imperatore

Ciuii Lege vetitum fuisse, ac lucrum in eo factum restituendum esse constat, vt infra, & fusius quidem ostendemus.

Vide infra  
in Quæsito 2

*Alearum ludus Canonica Lege, atque  
Concilijs vetitus .*

**I**STVC ipsum Canonica lege,  
sed pœnis præscriptis factum  
reperitur in prima Decreti par  
te Dist. 35. cap. 1. ex Aposto  
lorum Canone 43. desumptum

hisce verbis :

*Episcopus, aut Presbyter, aut Diaconus, Alea, at  
que ebrietati deseruiens, aut desinat, aut certè dam  
netur, idest, deponatur ab officio, vel beneficio ; vel  
suspendatur ab usu Ordinis Sacri, ut Glossator  
interpretatur . Similiter ( inquit ) Clerici, &  
Laici si permanserint in Alea, Communione priuen  
tur, hoc est, excommunicentur .*

In libro item Canonum Sanctorum  
Apostolorum à Græca Lingua in Latinam  
translato à Gentiano Herueto, ac Theodori  
Balsamonis Patriarchæ Antiocheni Commen  
tarijs explicato, hæc in Canone Quadrage  
simo secundo leguntur :

*Episcopus, vel Presbyter, vel Diaconus  
Aleis, ebrietatibus vacans ;  
Vel cesset, vel deponatur .*

Decret. p. 1.  
D. 35. c. 1.

Nota verbū,  
deponatur .

Communionis priuatio  
est excommu  
nicatio .

Can. 42.

Can. 43.

In Canone Quadragesimo tertio ita legitur :

*Hypodiaconus (hoc est Subdiacon⁹) vel Lector,  
 Vel Cantor similia faciens,  
 Vel cesset, vel segregetur.  
 Idem & Laicus;  
 Idest, eodem modo Laicus.*

Segregetur.  
 idest, Com-  
 munionem pri-  
 uetur.

Decr. p. 1.  
 Dist. 35. c. 1.

Idem legitur in prima Decreti parte Dist. 35.  
 cap. 1. hisce verbis :

*Episcopus, aut Presbyter, aut Diaconus,  
 Alea, atque ebrietati deseruiens,  
 Aut desinat, aut certè damnetur.  
 Subdiaconus, aut Lector, aut Cantor  
 Similia faciens, aut desinat,  
 Aut communione priuetur;  
 Similiter etiam Laicus.*

Synod. 6. Cō-  
 stantin poli-  
 tana 3. can.  
 50. to. 3. ex  
 vet. & recen-  
 tioribus im-  
 pressis.

Idem quoque de Aleis sub iisdem ferè ver-  
 bis vetitum reperitur in sexta Synodo gene-  
 rali, ac tertia Constantinopolitana, in qua hæc  
 leguntur verba: Nullum omninò, siue Clericum, si-  
 ue Laicum ab hoc deinceps tempore Alea ludere de-  
 ceat: si quis autem hoc deinceps facere ab hoc tem-  
 pore aggressus fuerit, si sit quidem Clericus depona-  
 tur, hoc est, ab officio, vel beneficio; si Laicus segre-

getur;



getur ; idest , excommunicetur .

In Concilio Elibertino Prouinciali circa tempora Siluestri Papæ Primi , & Nicæni Concilij celebrato , cap. 79. ita legitur : *Si quis fidelis Alea, idest, Tabula luserit, placuit, eum abstinere ; & si emendatus cessauerit , post Annum poterit communione conciliari .*

In Concilio Lateranensi sub Innocentio Tertio cap. 16. & in lib. 3. Decretalium hæc leguntur : *Ad Aleas , vel Taxillos Clerici non ludant, nec huiusmodi ludis intersint .*

Tridentina item Synodus , quæ sub Paulo Tertio Anno Christi Dom. 1542. inchoata , sub Iulio Tertio continuata , ac denique sub Pio Quarto absoluta fuit, in Sessione vigesima secunda cap. 1. de Reformatione, dum de vetito Alearum ludo , necnon de rebus , quæ viris Ecclesiasticis prohibita sunt , sermonem habet, in hanc loquitur verborum formam : *Statuit sancta Synodus , ut quæ alias à Summis Pontificibus , & à Sacris Concilijs de Clericorum vita, honestate, cultu, doctrinaque retinenda, ac simul de luxu, commestationibus, choreis, Aleis, lusbis, ac quibuscumque criminibus, necnon secularibus negotijs fugiendis copiose , ac salubriter sancita fuerunt , eadem in posterum ijsdem pænis, vel maiori bus arbitrio Ordinarij imponendis, obseruentur ; nec*

Segregetur ,  
idest, excom-  
municetur .

Concilium  
Elibertinum.  
To. I.

Concil. Tri-  
dent. sess. 22.  
cap. 1. de Re-  
form.

Summorum  
Pontificum ,  
& Concilio-  
rum Decre-  
ta confirmā-  
tur .

Decreta de-  
sueti in vsum  
reuocanda  
sunt.

Tridentina  
Synodus.

Consuetudo  
ludendi non  
excusat à pœ-  
na gehenna-  
li.

appellatio exequutionem hanc, quæ ad morum cor-  
rectionem pertinent, suspendat. Siqua vero ex his  
in desuetudinem abiisse compererit, ea quàm pri-  
mum in vsum reuocari, et ab omnibus accuratè  
custodiri studeat, non obstantibus consuetudinibus  
quibuscumque; ne subditorum neglecta emendatio-  
nis ipsæ condignas, DEO vindice, pœnas persoluat.

Hæc dicto in loco Tridentina Synodus,  
quæ confirmat illa omnia, quæ à Summis Pon-  
tificibus, & à Sacris Concilijs olim sancita  
fuerunt circa Clericorum reformationem,  
præsertim verò circa vetitos Aleorum ludos,  
dum illa omnia olim sancita sub iisdem, vel  
etiam maioribus pœnis, Ordinarij arbitrio  
imponendis, obseruanda omninò esse decer-  
nit; ita verò, vt si qua ex illis in desuetudinem  
abiisse Ordinarius inueniat, ea quàm primum  
in vsum reuocare diligenter studeat absque  
vlla interpellatione, nulla scilicet appella-  
tione admissa, quæ ipsam exequutionem impedi-  
re queat, non obstantibus consuetudinibus  
quibuscumque. Quamuis enim huius gene-  
ris consuetudo, quæ potius corruptela, quàm  
consuetudo vocitari debet, à Superioribus re-  
center non prohibita, à pœna temporali excu-  
saret, à pœna tamen gehennali non excusat,  
tum propter prohibitionem antiquitus fa-

ctam

ctam, tum etiam ob tanta mala, & scelera, quæ ex tali corruptela nascuntur .

In Concilio Mediolanensi Prouinciali, quod tempore Pij IV. Sanctus Karolus Borromæus, tunc S. R. E. Presbyter Cardinalis Tit. Sanctæ Praxedis, & Legatus ad vniuersam Italiam, necnon Archiepiscopus Mediolani Anno Dom. 1565. celebravit; Principes, & Magistratus commonentur, vt Alearum, ac Taxillorum ludos prohibeant. Hinc post multa à Finibus eorumdem propellenda, de Alearum, ac Taxillorum ludis prohibendis, & expellendis loquitur in hæc verba: *Et quoniam vsu compertum est, ex Alea ludo sæpe furta, rapinas, fraudes, blasphemias, aliaque id genus flagitia proficisci, prohibeant Taxillis, aut Alea ludi; & grauius in publicos Aleatores, & in eos, qui huiusmodi ludis interfunt, quiue domum ad recipiendos ludentes expositam habent, animaduereant.* Hæc dicto in Concilio de Taxillorum, & Alearum, siue Chartarum ludis ad Principes, & Magistratus. Quæ cum ita sese habeant contra Laicos Aleatores, multò magis intelligenda sunt contra Clericos, & alios Viros Ecclesiasticos, qui, vel dictis ludis operam nauant, vel interfunt, cum tot flagitia, & calamitates ex ijs oriantur .

Concil. Mediolanent. in to. 4. Coloniae impresso Anno Dom. 1606. pag. 907.

Alias, atque .

Animaduertant, id est puniant .

Concil. Aquileiense 1. in  
to. 4. Colo-  
nig impresso  
Anno Dom.  
1596. pag.  
1098.

In Concilio denique Aquileiensi, quod tempore Clementis Papæ Octavi Anno Domini 1596. celebratum fuit, Taxillorum, & Alearum ludi, præsertim verò Clericis, eorumdem lusorum calamitatibus, & flagitijs enarratis, & pensatis, verbis hisce omnino prohibentur: *Alearum, & Taxillorum usum*, quo tempus misera iucunditate teritur, *Clericis omnibus inhibemus: multo verò gravius, si non modo luserint ipsi, sed alijs ludendi potestatem fecerint, parato loco, & domestico diuerticulo. Episcoporum verò vigilantia, & prudentia, edictis, ac pœnis propositis, opportunum erit remedium adhibendum, ut pestis auertatur, qua miserorum facultates suavi morbo exhauriuntur, blasphemie, & rerum desperationes excitantur; cupiditatum intemperatiorum, & fraudum oblectamenta aluntur, denique ipsa DEI Clementia assiduè offenditur: qui tanto periculosior morbus est, quanto ardentius interdum animos Clericorum occupat, & Ecclesiasticas opes. Hæc dicto in Concilio. Nunc reliquum est, ut videamus, quid à Scriptoribus Sanctis, & alijs hac de re scriptum reperiatur.*

Scriptores Sancti, & alij contra Ludum  
Alearum .



E Alea & Aleatoribus loquitur  
Sanctus Cyprianus Episcopus  
Carthaginensis & Martyr, mul-  
tisque argumentis, Aleę ludum  
pulchrę impugnat, & Christia-  
no homine minimę dignum, ex eo probat,  
quodd Diaboli cum Idololatria institutum sit,  
multoque magis in Presbyteris vituperan-  
dum . Et post multa inter alia mala in Tra-  
ctatu de Aleatoribus, hæc recenset dicens :  
*Alea est ; quam lex odit : Alea est , quam sequitur  
crimen ignobile , ubi manifesta tentatio , & pœna  
occulta . Alea est Alueus mali , & supplantatio  
amici , quę nec lucrum confert , sed totum consumit .  
Hinc deinde pauperes fiunt , hinc opes suas perdunt ,  
hinc iam consumptis omnibus suis mutuis pecunijs  
se subruunt . Hinc patrimonium sine ulla fori  
calumniā amittunt . Et infra : Alea ne luseris ,  
ubi lusus nocius est , & crimen mortale ; ubi de-  
mentia sine consideratione ; ubi nulla veritas , sed  
mendaciorum mandra .* Hæc Sanctus Cypria-  
nus in Tractatu de Aleatoribus .

Sanctus item Basilii Magnus de Tesseris ,

S. Cypri. co. 3.  
pag. 49a. in  
arg. Tractat.

Vide infra  
in Epilogo,  
& Conclu-  
sione .

Diaboli insti-  
tutum .

Alea est al-  
ueus mali .

Mortale cri-  
men est Alea  
ris ludus .

Mendacio-  
rum mādra .

S. Basilii in  
Homilia 8.  
Hexaëmero.

& Aleis ita loquitur : *Iuramenta sunt in Tesseris, & Aleis, contentionesque pergraves, & auaritie partus. Spiritus malignus assistit, furorem punctis ossibus illis ludentium, insanasque accendens, easdem ille pecunias nunc ad hunc, nunc ad alterum transfert. Atque modò hunc victoria effert, illum victum mæstitia premit: modò contrà, illum elatum, hunc demissum ostendit. Hæc Sanctus Basiliius de Tesserarum, Alearumque ludis.*

B. Maximus  
in Clitoeo

Beatus denique Maximus, vt Clitoeus de vera nobilitate ait, postquam ad mentem redijt saniozem, nihil magis, quàm sese Alea luisse deplorabat. Vt autem multa vno ferè verbo complectamur; omnia iura diuina, & humana ludos Alearum mirum in modum execrantur.

Vide infra in  
Quæsito 4.

Sanctus Raymundus de Peniafort Ordinis Prædicatorum, diffusè scripsit contra Ludum Alearum vetitum, vt infra in primo videbimus Quæsito, in quo multa, & scitu quidem digna enarrantur.

S. Isidorus  
lib. 18. cap.  
64.  
Notandum.

S. Isidorus Episcopus Hispalensis lib. 19. Etymologiarum cap. 64. ita de Aleæ ludo inquit: *Ab hac arte fraus, & mendacium, atque periurium nunquam abest: postremò, & odium, & damna rerum. Unde, & aliquando propter hæc scelera interdicta legibus fuit.*

Ioan-

Ioannes item Saresberienſis, & Episcopuſ Carnotenſis in libro, qui inſcribitur Polycraticuſ, vel de Nugis Curialium, & veſtigijſ Philoſophorum, dum in primo libro cap. 5. de uſu, & abuſu Alearum loquitur, cum multorum malorum eſſe cauſam affirmat in hanc verborum formam: *Quis enim non erubeſcat, ſi ſortis ſue gratiam non virtuti debeat, ſed Taxillis? Quis fritilli cautelam ſue prudentiæ non doleat anteferri? Nonne ſatis improbata eſt cuiuſque artuſ exercitatio, qua quanto quiſque doctior, tanto nequior? Aleator quidem omniſ hic eſt; Mendaciorum ſiquidem, & periuriorum mater eſt Alea, & ex aliena concupiſcentia, ſua prodigit, nullam habens Patrimonij reuerentiã; cum illud effuderit, ſenſim in furta delabitur, & rapinas. Hæc Ioannes Saresberienſis.*

Io. Saresb.  
lib. 1. c. 5.

Notandum.

Alea eſt mendaciorum, & periuriorum mater.

Alias, dilabitur.

Hiſce igitur de cauſis, hoc eſt, ſub relatuſ malis circumſtantijs huius generis Ludi, ſortem, aut fortunam ſibi vendicantes, euitandi omnino ſunt, ac deteſtandi, tam à Laicis, quàm à Clericis, hoc eſt, aliquo Clericali ordine inſignit, præſertim verò ab ijs, qui aliquod beneficium Eccleſiaſticum habent. Hi enim ludis operam dantes, reddituſ in uſum pium, dicatuſ, in uſum prophanuſ, & vetituſ quidem conuertunt. Dicenduſ eſt ergo cum



Catonis di-  
ctum.

Catone : *Aleas fuge*, hoc est, Ludum omnem fortunæ damnosum, in quo pecunia perditur, visus caligatur, cupiditas excitatur, iracundia prouocatur, homicidium perpetratur, sicut ex ijs, quæ à nobis hucusque scripta sunt, & scribentur, iuxta horrendorum euentuum exempla, quæ ex ludis Alearum suborta fuerunt, vt infra videre licet.

*Exempla horrendorum euentuum ex ludis  
Alearum suborta.*



INCIPIT interdum Alearum lufores ob deperditam pecuniã post horrendas blasphemias, adducti fuerunt, vt sacras Imagines etiam blasphemando percusserint, nonnullique violentam mortem fuerint consecuti. Huiusce desperationis, & impietatis exempla diuersis in locis euenisse constat.

Ecclesia S.  
Maria de Pa-  
ce.

Romæ namque Porticus erat ad eam partem, in qua nunc est Ecclesia, quæ Sancta Maria de Pace nuncupatur. In eadem porticu, muro picta extabat sacra Beatæ Mariæ semper Virginis Imago, quæ à quodam Aleatore, pecunia in Aleæ ludo deperdita, post

blas-

blasphemias horrendas , ac Dæmonis inuocationem, quater saxo percussa, ter videlicet in facie, ac semel in pectore, sanguinè ex iisdem locis emisit, vt in eadem cernitur Imagine, quæ asseruatur dicta in Ecclesia, olim sub nomine Parochialis Ecclesiæ Sancti Andreæ, ante scilicet innouationem, & amplificationem, vocitata, quam Sixtus Quartus mandauit ædificandam, & Beatæ Mariæ semper Virgini, quæ prius *S. Maria virtutum*, vel *de virtutibus*, vocitabatur; ob pacem multis Principibus tunc temporis, DEI Genitricis intercessione impetratam, sub nomine Pacis dedicauit, & curæ Canoniorum Regularium Lateranensium, Ordinis Sancti Patris Augustini commendauit, siue commisit, sicut legitur in Diplomate ipsius, qui dictam Imaginem transtulit in eandem Ecclesiam, in qua Innocentius Octauus Altare maius dictæ Imagini cum ornamento eiusdem construendum curauit; & super ipsum Altare Tabulam marmoream, quam vulgò Conam vocant, ante hominum conspectum erigendam quoque mandauit, intra quam dicta Imago, lateritio muro picta, eiusdem Innocentij iussu reposita fuit cum Inscriptione, quæ infra legitur hisce verbis :

Sixtus IV. Ecclesie fundator.

Innocentius VIII.

PERPETVAE. VIRGINI. GENITRICI  
DEI. MARIAE  
SALVTIS. PONTIFICIAE. RESTITVTAE  
AVCTORI  
INNOCENTIVS. VIII. PONT. MAX.  
EX. DEVOTIONE. POSVIT.

Nunc verò dicta Inscriptio asseruatur in  
Altare sanctæ Crucis. Anno deniq. humanæ  
salutis 1614. in eiusdē Ecclesiæ amplificatione  
nouum, & præcipuum quidem ædificatum est  
facellum, vel, vt aiunt, constructa est Cappel-  
la, pulchris, & sacris Imaginibus, lapidibusq.  
pretiosis ornata, in qua maius constructum est  
Altare, lapidibus item pretiosis ditatum, in  
quo tandem reposita est dicta Imago lateri-  
tio muro picta. Ad eiusdem autem Cappel-  
læ partem læuam noua inscriptio Lydio lapi-  
de, siue Paragonio, in quo aurum, & argen-  
tum examinari solent, extat incisa, quæ infra  
legitur de translatione Imaginis in hanc ver-  
borum formam:

PAVLI. V. PONTIFICIS. OPTIMI. MAX.  
AVCTORITATE  
GASPAR. RIVALDVS. ROMANVS  
SACRAM. DEI. GENITRICIS. IMAGINEM  
INDE. TRANSLATAM  
VBI. INNOCENTIVS. VIII. PONT. MAX.  
SALVTIS. SIBI. RESTITVTAE. AVCTORI

POSVERAT. IN. LOCO. MAGNIFICENTIVS  
ORNATO. COLLOCAVIT.  
DIE. II. IVLII. M. DC. XIV.

Lucæ item Ciuitatis Hetruriæ, vel Tuscæ  
prope Turrin Campanariam Ecclesiæ San-  
cti Patris Augustini, Milites olim quidam ex-  
tabant ludo Alearum operam dantes, quo-  
rum vnus post deperditam pecuniam, totum  
sui corporis vestitum in ludendo amisit, ita  
verò, vt nudus remanserit. Quare ita vehe-  
menter concitatus, ac denique in desperatio-  
nem adductus, Deiparam Mariam semper  
Virginem blasphemando, eius Imaginem di-  
cto in loco muro pictam, saxo percussit. Per-  
cussione statim facta, terra sese aperuit, & per-  
cussorem viuum in profundam voraginem  
delapsum deglutiuit. Huiusce autem vora-  
ginis manifestum ad hanc vsque diem rema-  
net signum, ferrea transfenna, siue craticula,  
vel triplici cruce ferrea munitum, ipsiusque  
profunditatis experimentum funiculis ætate  
nostra non semel factum esse constat: Feles  
enim, & Canes ad funiculos centum cubito-  
rum alligati, & in illam voraginem dimissi,  
fundo illius voraginis imo non tacto, adusti  
extracti fuerunt. Cubitus minor sex palmis,  
communis sexdecim; maior autem iuxta Vi-

Aleatoris  
horrenda mi-  
seria, & de-  
speratio.

Impia, & In-  
fana percus-  
sio Aleato-  
ris.

Deiparæ Vir-  
ginis Mira-  
culum pri-  
mum.

Cubitus tri-  
plex.

Deiparæ Vir-  
ginis Mira-  
culum secū-  
dum .

Deiparæ Vir-  
ginis Mira-  
culum tertiu

Madonna  
del fasso .

Porta Bur-  
ghina .

truuij traditionem triginta sex palmis constat. Quare magnam voraginis profunditatem esse dicas oportet . Hac in re silentio prætereundum non videtur miraculum Sacræ Imaginis, quæ cum Filium in sinu ad dextram gestaret, ad iactum lapidis à dextra in sinistram Filium transtulit, vt Imaginem Filij à iactu lapidis liberaret . Imago autem Matris inter pectus, & brachiū dextrū saxo percussa, sanguinis quantitatem effudit satis magnā , cuius pars in illo instanti collecta, & intra vasculum crystallinū magna cum veneratione asseruatur, atq; in vltima cuiuscumq. mensis Dominica processionaliter defertur, & Populo etiam ostēdi solet , Sed quia dicta Imago saxo percussa fuit , vulgò, *la Madonna del fasso*, vocitatur .

In eadem quoque Lucensi Ciuitate aliud miraculum contra blasphemum Aleatorem præstitum fuit : Anno enim Dom. 1588. Tertio Kalendas Aprilis , quæ est trigesima Mensis Martij , in ambulacro prope portam Burghinam sito, in quo Milites ad Ciuitatis custodiam excubare solebant ; Miles quidam ob pecuniam in Alearum , siue Talorum , vel Taxillorum ludo deperditam, atque ob talem ludum , blasphemix causa sibi vetitum , iravehementi correptus, Taxillos, idest, Dados

manu accepit dextra, quasi eos iacere vellet, horrendamque blasphemiam in DEVM, ac Deiparam Virginem impurissimo euomit ore, dum toruis oculis Imaginem Deiparæ Virginis, Filium sinu gestantem, & muro pictam in eo ambulacro intuebatur. Sed blasphemia illicò euomita, brachium eius dextrum inter humerum, siue scapulam, & cubitum miraculosè fractum fuit. Illa enim ossis fractura vltro facta in eo præsertim loco, non nisi miraculosa à Medicis, & Chirurgis iudicata fuit. Adde etiam, quòd Aleator ille blasphemus post sanitatem contra opinionem Medicorum, qui eum curabant, recuperatam, in Ciuitatem Lucensem, cuncto Populo ipsum vidente, redijt, eandemq. Imaginem visitauit; sed Deiparæ Mariæ semper Virginis benignitate se integrâ brachij sanitatem recuperasse prædicauit. Qua in re commota est vniuersa Ciuitas, & ad sacram Imaginem sese statim contulit, & quotidie precibus, & luminibus eam venerabatur. Quoniam verò populorum deuotio erga dictam Imaginem in dies augebatur; Militibus ipsis, vnâ cum blasphemio Aleatore diligenter, & Canonicè quidem examinatis, reique veritate iuxta narrationem iam factam confirmata, Imago ipsa è

Aleatoris  
blasphemi  
conuersio.

Imago Dei-  
paræ Virgi-  
nis venera-  
tur.

muro extracta, ad Ecclesiam Sancti Petri Maioris Collegiatam, cum vniuerso Clero tam seculari, quam regulari cum omnibus item Confraternitatibus, vel Confratrijs, non sine apparatu solemnissimo, cuncto Populo veneranter comitante, asportata fuit, & ad Altare maius collocata.

Thomas Cantipratanus l.  
2. c. 49. nu. 9.

Iudæus, &  
Christianus  
collusores. à  
DEO puniti.

Campaniz  
Villa.

Thomas Cantipratanus Ordinis Sancti Dominici, Alberti Magni quondam Discipulus, & Episcopus Suffraganeus Cameracensis, in secundo de Apibus mysticis libro, qui etiam *Bonum vniuersale* inscribitur, & sui temporis Exempla comprehendit, narrat Historiam de Iudæo, & Christiano, Tesserarum lusoribus in sacra nocte Parasceues à DEO punitis. Cum enim Iudæus dicta in nocte ob multam deperditam pecuniam Christum Dominum blasphemaret, manus ei cum Tesseris fuit contracta. Hinc maiori succensus furore, cum iterum in Christum, & Matrem eius blasphemiam turpissimam euomisset, versis terribiliter oculis, cecidit, & expirauit: Christianus autem collusor illius, nimio pauore in mentiam versus, elanguit, & miseram dira morte vitam finiuit. Hæc ex Thoma Cantipratano, qui in quadam Campaniæ Villa horrendam collusorum mortem euenisse testatur.

In



In Brabantia Ciuitate, Archigymnasio celeberrima, quæ Louanium appellatur, Christus Dominus in Sancta nocte Parasceues ( vt idem Cantipratanus dicto in libro refert ) sub forma hominis incogniti, cui cuidam, viro probo, & generoso miserabiliter plagis plenus & sanguine cruentatus apparens ante quoddam Cellarium in platea situm, dixit, Auctores tantæ suæ læsionis fuisse quosdam, qui in ipso Cellario, dum Tesseris ludunt, iuramentis & blasphemijs inter se contendunt. Hinc Ciuis ille Cellarium ingressus, interrogat ludentes, cur hominem ignotum ingressum ad eos tam crudeliter verberassent. Iuuenes illi collusores attoniti de tali re, negant aliquem ad illos intrasse, nec vllum ab eis verbo, vel verbere laceffitum fuisse asserentes. Mox illi cum Ciue surgentes, quærunt hominem cruentatum, nec inueniunt. Singuli autem ad se conuersi, Christum Dominum iuramentis terribilibus, contumelijs, & improprijs rursum cruciari animaduertunt. Hæc in dicto de mysticis Apibus libro Thomas Cantipratanus, qui etiam hanc historiam sub præstito iuramento narratam sibi fuisse ab eodem Ciue testatur.

Quidam etiam, vt in eodem legitur libro,

Th. Cantipr.  
lib. 1. vbi sup.  
nu. 10. & in  
magno speculo  
exemplorum Dist.  
15. Exempl.  
103.

Christus Do-  
minus in for-  
ma hominis  
incogniti ap-  
parens.

Collusores  
Christum se  
verberasse a-  
gnoscut blas-  
phemijs, &  
improprijs.

Tho. Cantipr. lib. 3. c. 49  
nu. 11. & in  
magno speculo  
exempl. Dist. 5. Exepl.  
104.

per ludum Tesserarum spoliatus, vel nudatus, adeò desperatus euasit, vt accepto arcu, sagittam sursum in aërem iaceret, quasi ipsum Cæli Dominum percussurus. Et mox sagitta reuersa ante faciem iacentis, recenti sanguine tincta reperta fuit. Qui mox totus in lacrymas resolutus, Ordinis Prædicatorum fratrem, qui Cantipratano hæc narrauit, circa duo milliaria quæsitum inuenit, & confessus; vitam suam cum mira pœnitentia, ac deuotione correxit.

Magnum speculum  
exempl. Dist. 3. Exem-  
pl. 43.

In Historia Ecclesiastica Venerabilis Bedæ, vt etiam in speculo Exemplorum magno legitur, casus cuiusdam recitatur Aleatoris, qui dum Aleis luderet, ac Tesseris, male sibi cadentibus perderet, quidquid in buccam dementis veniebat, ore furibundo blasphemabat, iurando per sanctissima Christi Domini, & ipsius Matris membra. Blasphemus tandem aliquando cœlesti gladio vulneratus, corruit, abominabilemque animam tartareis ignibus expuit concremandam. Hæc dicta in Historia de blasphemo Aleatore, multisque rebus ad horrendum casum blasphemi explicandum pertinentibus, breuitatis causa prætermisissis. Cæsarius Heisterbachensis Ordinis Cisterciensis in libro quinto de Miraculis, ætate sua

Cæsarius l. 5.  
c. 8 & in Speculo  
Exempl. magno  
Dist. 6. Exepl.  
51.

in Germania factis, multos Dæmones circa Sacerdotem, & Plebanum, sed Aleatorem moribundum apparuisse narrat. Plebanus namque nomine Adolphus, vir (Cæsario Teste) valde secularis, & lubricus, dum Aleis ludebat, ad audiendam confessionem cuiusdam moribundæ Mulieris, & ad eam communicandam instantissimè cum lacrymis à Filio illius accersitus, non nisi ludo expleto, se iterum respondit; hinc illa moribunda sine confessione, necnon sine viatico ab hac luce migravit. Plebanus autem postridiè vel post tertium diem in peremptoriam incidit ægrotationem, in qua dum ad inuocandum DEVM, vt peccata sibi dimitteret, spatio fructuosæ pœnitentiæ concesso, suaderetur, ita desperatus respondit: *Vides horreum illud magnum nobis appositum? Non sunt in eius tecto tot calami, quot sunt circa me Dæmones congregati. Hoc dicto, mox agonizans expirauit, eos videns adesse moriturus, quorum consilio vixerat sanus.* Hæc ex Cæsario in quinto de Miraculis libro, capite octauo.

Plebani moribundi visio.

In Saxoniz partibus, vt refert Siluanus Razzius, Monachus Camaldulensis, in libro de Miraculis Deiparæ Mariæ semper Virginis, Aleator quidam, cum pecuniam in Alea-

Siluanus Razzius lib. 1. Miracul. 31.

Blasphema-  
toris interi-  
tus.

rum ludo deperderet, horrendas, & inauditas quidem blasphemias contra sancta Christi Domini, & Saluatoris nostri membra, tam extrinseca, quā intrinseca vomitabat. Istuc etiā ipsum inenarrabili sanè rabie, atq. crudelitate contra Christi Domini Matré fecit. Qua re astātes, ne ampli⁹ tot impias, ac nefandas, turpesque blasphemias audirent, suas obturabant aures, pectusque percutiendo in fugam se dabant. Blasphemator autem tandem aliquando inter blasphemandum ictu inuisibili percussus, ac vulneratus, dixit: *O me miserum, quis me vulnerauit, & interfecit? Et ita vulneratus cecidit in terram. Denique hac, vel illac, vitam cum morte commutauit. Deinde ipse spoliatus, magnum in dorso vulnus habere inuentus fuit: vulnus autem adeò profundum erat, quòd acuta securi, aut bipenni factum videbatur: ob magnum namque hiatum, siue ob magnam, vt ita dicam, aperturam, omnia intestina, siue interiora cernebantur. Hæc ex Siluano Razzio.*

Io. Anton. Sū-  
montus to. 2.  
Hist. Neap.  
pag. 167.

Anno Domini 1514. Neapoli in Xenodochio, siue Hospitali Sancti Eligij maioris, reperitur Ecclesia, in qua extat perantiqua, & deuota Imago Deiparæ Mariæ semper Virginis, muro picta, quæ Sancta Maria Misericordiæ vocitatur: Hæc autem Imago in facie

vul-

vulnerata cernitur. Nam, vt in Tabula quadam satis antiqua prope dictam Imaginem affixa legitur, cum impius quidam Aleator, post magnam pecuniarum quantitatem in Alearū ludo, siue in Chartis lusorijs deperditam, temerè, atque impijssimè quidem blasphemaret, ob horrendas blasphemias ab impurissimo euomit ore, reprehensus, in rabi- dam, & insanam accensus iram, in Ecclesiam illam ingressus, deuotæ Imaginis faciem ense suo vulnerauit, atque sex infixit vulnera, ex quibus illicò sanguis effluxit, vt in eadem Imagine ad hanc vsque diem videre licet. Aleator deinde ille nauim ascendit, & è portu Neapolitano, patriam suam Florentiam sese transfert. Dum verò Ciuitatem ingrediebatur, statim deprehensus fuit, & in Carcerem coniectus, quatenus homicida: Nam in eius ingressu inuentus fuit in via homo quidam occisus, qui ab eo interfectus iudicabatur. Ille autem dicti homicidij omnino ignarus, & in fune suspensus, & examinatus, in ipso cruciatu, siue in ipsa tortura, sese commenda- uit Deiparæ Mariæ semper Virgini, quæ cum iisdem vulneribus ei apparuit. Hinc Aleator ille in fune suspensus, & suæ impietatis me- mor, hanc solam contra sacram Imaginem

Aleator Flo-  
rentinus.

Nea-

Aleator de-  
collatus.

Anno Dom.  
1522.

Neapoli se perpetrasse apertè confus est ;  
& propter illā solā, & horrēdā quidē impietate  
decollatus fuit. Hæc ex Io. Antonio Sūmonto.

In eadem Ciuitate Neapoli Anno Domini  
1522. sicut incolæ Ciuitatis quantum ad tem-  
pus ex traditione affirmant, Aleatores non-  
nulli vasa quædam argentea furati, in Choro  
Ecclesiæ Sancti Laurentij Ordinis Fratrum  
sancti Francisci eadem vasa inter se diuise-  
runt, & ibidem Alearum ludo operam dede-  
runt, quorum vnus ob totam suam partem in-  
ludendo deperditam, in rabidam iram de-  
menter accensus, Imaginem Christi Domini  
( qui nudus, & muro pictus cernitur, & *Eccc  
Homo*, vocitatur ) infra vulnus, quod in Cruce  
ad latus dextrum à Longino acceperat, pu-  
gione suo vulnerauit, vnde sanguis illicò abū-  
danter effluxit. Sed quia Imago illa mani-  
bus ligatis repræsentabatur, illo ictu statim  
dato, manum dextram ad latus infra vulnus  
admouit, atque ita Imago ipsa ad hanc vsque  
diem stare cernitur. Quare dictus Aleator  
impius, ac demens, carceri mancipatus fuit,  
& patibulo suspensus, vel affixus, in illo ex hac  
vita decessit.

Anno Dom.  
1382.

Anno Domini 1382. die 17. Mensis Ia-  
nuarij in quodam Diocesis Florentinæ Ca-

ltro,



stro, quod Latine *Emporiū*, & vulgò *Empoli* vocitatur, duo Stipendiarij simul ad Taxillos ludebant, quorū alter, tota pecunia in colludendo deperdita, Grosso vno monetæ Pisanæ argenteo excepto, in quo Deiparæ sēper Virginis Imago sculpta erat, post horrēdas blasphemias in Christū Dominū, & Matrē eius euomit, gladio suo Imaginē B. Mariæ sēper Virginis in Grosso illo sculptam circa pectus percussit, ex quo statim sanguis in omnium stuporem effluxit. Moneta itaque illa cruentata ad fratrem Onuphrium Ostecutum, Episcopum Florentinum delata, necnon Historia tanti sceleris, tantique miraculi enarrata, Episcopus in Dominica V. Quadragesimæ, quæ de Passione nuncupatur, Monetam illam cruentatam ad Ecclesiam Ordinis Eremitarum Sancti Patris Augustini solemnī processione detulit, & in Reliquiario sēper asseruandam præcepit. Deinde, ne tanti beneficij memoria deleteretur, sed Christi Fidelium deuotio in dies augetur, Episcopus ipse verē pœnitentibus, & confessis, qui in Dominica de Passione, & in omnibus Festiuitatibus Beatæ Mariæ sēper Virginis singulo quoque Anno dictam Reliquiam venerandam visitauerint, Indulgentiam quadraginta dierum de iniun-

Moneta miraculosè cruentata.

Episcop. Florentinus .

Moneta miraculosè cruentata .

Indulg. quadraginta dierum .



cta eis pœnitentia concessit. Hæc ex eodem Fratre Onuphrio Ostecuto Florentino Ordinis Eremitarum Sancti Patris Augustini, & Episcopo Florentino, qui omnibus hisce de rebus per litteras publicè datas loquutus fuit, dum dictam Indulgentiam concessit, ac promulgavit: Litteræ verò patentes omnibus hisce de rebus conscriptæ in eadem Ecclesia Florentiæ asseruantur.

Med. 1542.

Imago picta  
sanguinem e  
mittit.

Mediolani circa Annum Dom. 1542. Massatius quidam Vigonzonus in die Annuciationis Beatæ Mariæ semper Virginis Festo, propè Sancti Satyri Ecclesiam, Alea ludo, siue Chartis lusorijs operam dedit; & in illo ludo non solum totam pecuniam, sed omnes item pannos, quibus erat indutus, amisit. Hinc rabida, & insana accensus ira, necnon in desperationem adductus, dictamque Ecclesiam ingressus, guttur Imaginis Christi Domini, quem Deipara Maria semper Virgo muro Cœmeterij Ecclesiæ picta in sinu gestare cernitur, suo percussit gladio, quo ex vulnere magna sanguinis quantitas effluxit. Massatius itaque percussor sanguine illo cruciatus, ac tanto miraculo commotus, lacrymando mirum in modum exclamavit, ad cuius clamorem illuc permulti cucurrerunt, & ma-

gnam

gnam illam sanguinis effluentiam viderunt. Quare huius generis miraculum per totam illicd Ciuitatem, eiusque Prouinciam diulgatum fuit, ita verò, vt ad eundem locum, gentes vndique confluerent, secum non solum pecunias, verum etiam gemmas in auro, & argento, necnon torques, annulos, ac vestes deferèdo pro Eleemosynis ob gratias à Deipara Maria semper Virgine, & à Christo Domino eius Filio ipsis collatas. Hinc temporis progressu ex dictis eleemosynis tâta pecuniarum copia redacta denique fuit, vt ex illis Ecclesia, quæ nunc extat iuxta archetypum, seu formam à Bramante Architecto, & Pictore tunc temporis in Italia insigniori, præsertim consensu Ludouici Sfortiæ Ducis fuerit ædificata. Imago deinde illa Deiparæ semper Virginis muro picta in sinu gestantis Filium, & in gutture vulneratum gladio, translata fuit in Ecclesiam nouam, & in eius maiori Altare collocata fuit, vbi nunc extare cernitur. Massatius autem, percussor Imaginis, tanta sua insania, & impietate adedò condoluit, vt graui poenitentia quattuor, & amplius annis peracta, habitum Religionis Monasticum Sancti Ambrosij susceperit, & in eo magna vitæ Sanctitate viuens, multa futura prædixerit. Glau-

Populorum deuotio..

Bramans Architectus, & Pictor.

Ludouicus Sfortia Dux.

Gladus as-  
servatur.

dius verò, cum quo dictam Imaginem vulne-  
rauit, in sacrario illius Ecclesiæ, ad perpetuam  
tanti miraculi memoriam asseruatur.

Genestianum  
vel Genazza-  
num.

In illa Italiæ Regione fertilissima, quæ  
Campania vocitatur, dum Regio ipsa bello  
vexaretur tempore Pauli Tertij Miles qui-  
dam Chartis lusorijs in platea Genestiani, vel  
Genazzani operam dabat; Hic denique ob  
totam deperditam pecuniam, quam habebat,  
horridas blasphemias in Deum, & in Dei Ma-  
trem eruçabat, & ita blasphemando Eccle-  
siam Deiparæ Mariæ semper Virgini dicatam,  
& à Fratribus Ordinis Eremitarum Sancti  
Patris Augustini cultam ingressus, Christum  
Dominum, ad Altare Cruci affixum, ense suo  
in fronte, in vtero, & in cruribus vulnerauit,  
non sine magna sanguinis effusione.

Blasphema-  
tor à Militi-  
bus interfi-  
ciunt.

Blasphemator autem ille, ac sacræ Imaginis  
percussor, statim ab alijs Militibus fuit inter-  
fectus, eiusque corpus in frustra redactum; ense  
statim valdè, & miraculosè quidem recur-  
uato, sed ita, ut non sine magna difficultate,  
nec sine magno temporis interuallo ab arti-  
fice eum in modum fieri posset ensis ille, qui  
ad tantæ impietatis Aleatoris, & ad tanti mi-  
raculi memoriam ad hanc vsque diem prope  
sacram Imaginem asseruatur.

Ensis asser-  
uatur.

Sexcenta deniq. in diuerſis Mundi partibus huius generis inueniuntur exempla, quæ infeliciū Aleatorum inſatiabilem cupiditatem, & inſaniam; flagitia magna, & deſperationes, horrendas item in Deum, & in Sanctos blaſphemias, poſt Dæmonem inuocatum, poſt mendacia, poſt rapinas, & fraudes factas, nec non ſacrarum Imaginum vulnerationes, vel percuſiones, poſt pecunias, & res omnes deperditas, ipſorumq. tandem aliquando Aleatorum occiſiones, & aditum infernalem re præſentant. Sed breuitatis cauſa de huius generis exemplis, hæc dicta ſufficiant, vt etiam à Chriſtifiſdelibus Alearum ludum iure vetitum fuiſſe ob malas circumſtantias, quæ peccatum mortale, & quidem graue faciunt, oſtendamus, quidque de ipſo ludo, quantum ad peccatum à Doctõribus ſanctis, & alijs fuerit decretum; nec non quid de lucro perperam, & diabolicè facto in eodem ludo, faciendum ſit, explicemus.

Huius igitur generis ludi omnes, Alearum ſcilicet, vel Chartarum, Tabularumq. propter Taxillos, vel Talorum, ſiue Taxillorum vetiti leguntur, quippe qui tot vitia, & horrenda mala parturiunt, quatenus maiori ex parte, & quaſi omnino in ſorte, aut fortuna verſantur;

cuius-

Alearum ludus quid contineat.

Peccatum mortale in ludo factum.  
Lucrum in ludo factum.

Tabulæ dicuntur etiam Orbiculi.  
Teſſeræ, Cubi Taxil i, & Tali idem ſunt: qui vulgò dicuntur Dadi.

Latrunculi  
sunt, qui vul-  
gò dicuntur  
Scacchi.

cuiusmodi non est Latrunculorum ludus, vulgò *Scacchi* vocitati, qui quatenus magnam industriam, magnamque ingenij vim postulant, honesti dicuntur, & licitè ab omnibus non solum Laicis, verum etiam ab omnibus Clericis, ac Religiosis, & Monachis animi recreandi gratia interdum exerceri possunt. De his autem ad huiusce Commentarij calcem plura dicemus.

Plinius in  
Præfatione  
suz hist. na-  
turalis.

Apuleius l.  
4. Metamor-  
phoseon.

Quòd autem Alearum præsertim ludus non nisi sortem, aut fortunam admittat, ex eo constat, quòd vox ipsa Alea à probatissimis Auctoribus pro fortuna, & euentu sumi consuevit. Hinc Cicero à Plinio prædicatur extra omnem ingenij Aleam positus, idest, extra omnem sortem, & euentum ingenij. Apuleius item in libro 4. Metamorphoseon hoc scriptum reliquit: *Ancipitis (inquit) machine subit Aleam, hoc est fortunam, & dubium euentum.* Alearum igitur ludus, & id genus alij ob sortem, aut fortunam in eis omninò dominantem ob turpe lucrum, ob infamiam, necnon propter blasphemiarum, & periuriorum pericula, honestæ, ac sanctæ vitæ aduersantia, atque obhorrendissimos euentus, & ob certa denique damna, quæ inde proueniunt, tam Ciuilibus, quàm Canonicis Legibus, non solum

apud

apud Chrifticolas , verum etiam apud Ethnicos vetiti vndequaue inueniuntur, ad Aleatorum insaniam , & calamitatem propulsandam .

*De Insania, & Calamitate Aleatorum .*

**I**n Insania profectò admiranda, & penè incredibilis, de quibusdam Alearū lusoribus in Germania esse narratur . Dicit enim Lufores postquam omnia sua in Alearum ludo amiserunt, suam vendunt libertatem, immo seipsos, vt in Libello de moribus Germaniæ Cornelius Tacitus affirmat hisce verbis: *Aleam ( quod mirere ) sobrij inter seria exercent, tanta lucrandi, perdendique temeritate, vt cum omnia defecerunt, extremo, ac nouissimo iactu de libertate, & de corpore contendunt . Victus, voluntariam seruitutem adit . Quamuis iunior, quamuis robustior alligari, ac venire patitur .* Hæc de postrema Aleatorum calamitate, omnium miseriarum maxima .

Sanctus Ambrosius in cap. Tobix 11. diabolicum Alex studium Hunnis Pannoniæ Populis ( quos nunc fortasse, paucis immutatis litteris, Hungaros vocitamus ) adscribit . Hic

enim

Cornelius  
Tacitus .

Venire, id est  
vendi .

S Ambrosius  
in c. 11. To-  
biæ to. 1.



Hungarorū  
infamia.

S. Ambr. vbi  
supra.

Addicere est  
vèdere plus  
offerenti.

Addicat: Nā  
addicere est  
vèdere plus  
offerenti.

enim sanctus Doctor, postquam vsuram ab Aleatoribus extorram, & inuiolabilem Aleæ legem, cui subijciuntur etiam ferocissimi homines, descripsit, & mirum in modum detestatus est, dictosque Hunnos absque legibus viuētes, Aleæ solius legibus obedire narrauit, insaniam eorundem, ( qui per vnum iactum libertatem, immò vitam denique suam potestati Aleatoris vincentis addicere solent ) ostendit hisce verbis: *Frequenter ( post multa inquit ) tanto ardore rapitur Aleator, ut cum ea ( quæ sola magni æstimant ) victus arma traderit, ad vnum Aleæ iactum, suam vitam potestati, vel victoris, vel feneratoris addicat. Denique constitit, quòd quidam eorum, et Imperatori Romano cognitus, in fide pretium seruitutis, quam sibi tali sorte superatus intulerat, supplicij imperatæ mortis exoluerit. Hæc Sanctus Doctor Ambrosius de huius generis Aleatorum Hungariæ olim infamia.*

Hisce igitur de causis enarratis, perniciosum, infamem, ac mortiferum, diabolicum, atque detestandum Alearum ludum cum alijs omnibus ludis in eo comprehensus, in quibus fortuna cum tot enarratis malis dominatur, tam Civilibus, quàm Canonicis Legibus, non solum à Christifidelibus in sacrosanctis Con-

cilij



cilijs , verumetiam ab Ethnicis , & iure quidem vetitum esse constat .

Vide pag. 8.  
& seq. de ludo  
ab Ethnicis  
vetito .

Nunc autem reliquum est, vt duo Quæsitæ ad ludos vetitos pertinentia explicemus .

Primò scilicet An ludus Alearis, quem alij pestem , alij verò diabolicum ludum appellant, sit peccatum mortale . Secundò quomodo, & quando lucrum, in ludo tali factum , restitui debeat .

Quæsitum Primum ,  
*Quonam modo Ludus Alearis sit mortale  
peccatum .*



Aleum, siue Chartarum ludus, & id genus alij , in quibus magis fortuna, quàm industria dominatur, ob ingentem multitudinem malorum, & peccatorum, quæ ex illis nascuntur, tam Ciuilibus, quàm Canonicis Legibus, & Concilijs, tam ab Ethnicis , quàm à Christianis fidelibus vetiti sub pœnis fuerunt , sicut ex ijs, quæ hucusque in medium allata sunt , satis constat . Propterea dictus Aleum , vel Chartarum ludus , necnon Tabulæ , vel Orbiculi, Tesseræ, vel Taxilli, ac Tali, vulgò Dadi vocitati, in quibus magis fortuna, quàm in-

Aleum no  
mina .

Greg. Sayrus  
lib. 11. c. 12.  
nu. 4.

dustria dominatur, sine peccato mortali, ut ait Gregorius Sayrus, exerceri non possunt, dum vera, & notabili lucrandi auiditate, ex qua oriuntur tot mala iam enarrata, luditur, ut infra ostendetur rationibus, & insigniorum Auctorum scriptis.

Gabriel. Biel  
in 4. sentent.  
dist. 15. q. 13.  
art. 2. Concl.  
3.

Alez ludus  
est mortale  
peccati, quia  
tenus est co-  
tra Legem  
diuinam, na-  
turalem, &  
positiuam.

Gabriel Biel Theologus, & egregie doctus in 4. Sententiarum libro dist. 15. q. 13. art. 2. Conclusione 3. istuc ipsum confirmat dicens: *Ex cupiditate ludens Alea, peccat mortaliter, quia ludit contra legem Diuinam, Naturalem, & Positiuam. Contra Legem Diuinam, quia est contra charitatem proximi concupiscere bona proximi cum damno eius; & est contra decimum preceptum, quo prohibetur concupiscentia rei alienae cum damno proximi. Est contra Legem Naturalem: facit enim alteri, quod sibi nolle fieri; Est etiam contra Legem positiuam, ut patet ex dictis.* Hæc Gabriel Biel, qui, cum ludus Aleæ fiat ex tali cupiditate lucrandi, contra Legem diuinam, humanam, & positiuam, mortale peccatum esse concludit; demmodo tamen aliqua ex malis circumstantijs iam relatis intersit.

Mortale pec-  
catum.

Vide pag. 29

Sanctus item Cyprianus, ut superius ostensum fuit, Alearum ludum crimen esse mortale affirmat post multa mala de ipso ludo enarrata.

San-

Sanctus item Raymundus de Peniafort Ordinis Prædicatorum , Vir in Diuinis Scripturis eruditus , Iuris item Canonici notitia insignis , & in Theologia morali satis clarus , in secundo suæ Summæ Libro , dum de negotijs secularibus loquitur , & utrū de illicitè acquisitis eleemosyna fieri possit , sermonem habet , Aleæ ludum mortale peccatum , & quidem graue post multa concludit , dicens : *De ludo Aleæ teneas , quod illi , qui ludunt ad Aleas , vel Taxillos , vel qui ludo intersunt , vel sunt participes , vel inspectores ludi , peccant , & maxime , si sunt Clerici .* Hæc Sanctus Raymundus , ex cuius verbis colligimus , Alearum , vel Taxillorum ludum esse peccatum . Deinde propter nouem in ipsis ludis considerata , magnum peccatum esse ait in hæc verba : *Quam magnum peccatum sit , patet inter alia ex nouem , quæ in talibus ludis attenduntur , ut infra videre licet .*

*Notanda nouem , ex quibus mortale peccatum , & graue quidem esse concluditur  
A S. Raymundo .*

**P**rimum est , desiderium lucrandi , ecce cupiditas , quæ ex Epistola Sancti Pau-

S. Raymundus lib. 2. §. de illicitè acquisitis , & Aleatoribus .  
A Clemente VIII. canonizatus Anno Domini 1601.

ff. de Aleat. Auth. de Sacerdotibus .  
Episc. 5. Interdicimus extr. de Vita & hon. Cleric. Constit. Clerici .

Magnum peccatum .

S. Raymundus , ut supra

Hæc nouem notanda recitantur ab Alexandro de Alea . in 4. sent. q. 33. membr. 2. Art. 5.

1. Timoth. 6.

li prima ad Timotheum cap. 6. est radix omnium malorum .

2 Secundum est, voluntas spoliandi proximum, ecce rapina .

Extr. de excell. Prælat. inter dilectos .

3 Tertium est, usura maxima, scilicet undecim pro duodecim, non solum in Anno, vel Mense, sed in eadem die .

4 Quartum est, mendacia multiplicata, & verba otiosa, & vana .

5 Quintum est, blasphemia ; ecce hæresis.

6 Sextum est, corruptio multiplex proximorum, qui ad ludum inspicendum de consuetudine prava conueniunt .

7 Septimum est scandalum bonorum .

8 Octauum est, contemptus prohibitionis Sanctæ Matris Ecclesiæ .

9 Nonum est, ommissio temporis, & bonorum, quæ in illo tempore tenentur facere .

Hæ nouem Sancti Raymundi Considerationes, vel hæc notanda recitantur etiam ab Alexandro de Ales. in 4. Sententiarum libro, quæst. 35. art. 5. necnon à Guidone de Baypho, vel Bayfio, siue Bayso Archidiacono Bononiensi in prima Decretorum parte dist. 35. cap. *Episcopus*. Sanctus autem Raymundus, ut ait Ioannes Tritemius in Catalogo Scriptorum Ecclesiasticorum, floruit Anno Dom.

Alexander  
de Ales &  
Guido .

Decret. p. 3.  
Dist. 35.

1230. Alexander de Ales 1240. & Guido de Baypho 1290. Ex his ergo nouem considerationibus colligimus Alearum, siue Taxillorum ludum esse peccatum. Quòd autem hoc peccatum sit mortale, Sanctus Raymundus ex verbis Canonum Apostolorum demonstrare studet, dum ex ijs colligit prohibitionem eorumdem ludorum, & pœnas contra ludētes.

*Apostolorum Canones, quos S. Raymundus in medium affert, & superius item videre est, sunt, qui infra leguntur.*

Episcopus, aut Presbyter, aut Diaconus, Aleæ, aut ebrietati deseruiens, aut desinat, aut certè damnetur.

Subdiaconus, aut Lector, aut Cantor, Similia faciens, aut desinat, aut Communionem priuetur; similiter, & Laicus.

*Canone Apostolorum in medium allato, S. Raymundus ait:*

**I**tem nota quattuor verba posita in prædicto Canone, scilicet:

1 Deseruiens, 2 Desinat, 3 Damnetur,

S. Raymundus lib. 2. Summæ §. 11 de illicitè acquisitis, & Aleatoribus.

Damnetur, idest depōnatur ab officio, vel Beneficio, vel suspendatur ab usu Ordinis sacri.

S. Raym. lib. 2. §. de illicitè acquisitis, & Aleatoribus.

Com-

## 4

## Communione priuetur .

*Ex primo ( inquit S. Raymundus ) collige , quòd si non ducit in consuetudinem , non sustinebit pœnam prædictam . Nam verbum deseruire hoc in loco , vt sententiam Sancti Raymundi explicemus , significat ludentem , dominioludi , & peccati esse detentum , eique subiectum , ob magnum lucrandi ardorem .*

*Ex secundo scilicet , Desinat , colligitur , quòd etiã si duxerit in consuetudinem , debet admoneri , & si admonitus vult cessare , euitabit pœnam prædictam ; debet tamen in vtroque casu agere pœnitentiam de peccato .*

*Ex duobus vltimis , quæ sunt , Damnetur , & Communione priuetur , collige quòd tale peccatum sit mortale , & graue , cum tales pœna non sint imponenda pro leui crimine . 11. q. 3. Nemo , & Nullus . Hæc Sanctus Raymundus , qui ex pœnis , quas incurrunt Aleatores , eorum peccatum mortale , & graue quidem esse concludit . Nam dicto in Canone per verbum , Damnetur , intelligitur pœna Ecclesiasticis viris imposita , quæ est depositio ab Officio , vel Beneficio . Per priuationem Communions intelligitur pœna Laicis imposita , quæ est excommunicatio . Quod quamuis ita sit ; Decreti tamen Glo-*

Peccatum  
mortale , &  
graue ex 11.  
q. 3.  
Nemo , &  
Nullus .

Damnetur .

Communio-  
nis priuatio  
est excom-  
municatio .

fatori

fatori,quem Angelus de Clauasio,& Siluester de Prierio in Summis aiunt esse Hugonem quemdam, assentiendum non videtur dicenti, Alearum ludum, & alios id genus ludos semper esse mortale peccatum. Nam vt superius dictum fuit ex Nauarri doctrina, ludus prædictus non est semper mortale peccatum, præsertim verò, vt idem Nauarrus inquit, dum potius honestæ recreationis causa, quàm lucri, & paruo quidem tempore luditur; quando scilicet à prandio, vel à cæna luditur causa solatij, nullius rei pecuniariæ lucro proposito; vel solum alicuius esculenti, & poculenti, quod bis lucrifactum semel soluatur; vel spiritali lucro precum aliquarum pro vincente à victo di-  
 ceendarum. Hæc ex Nauarro, qui tamen in eodem capite 19. nu. 3. ait: Ludus non fit mortalis ex sola circumstantia animi principaliter lucrandi aliquid, etiam notabile ab eo, qui donare potest, vt probat Caietanus in 2. 2. quæst. 168. Art. 3. & in verbo, Ludus; Neque etiam ex nimio, & ardenti ludendi appetitu, nisi cum extenditur ad alicuius Legis (quæ obligat ad mortale) violationem; Qualis est eorum, qui noctes in dies, & dies in noctes vertentes; Missas præceptas omittunt, aut subeunt periculum amissionis bonorum, sine quibus nequeunt sustentare uxores, liberos, ac reliquam Familiam sustentandam de precepto, aut

Hugonis opi-  
nio confuta-  
tur.

Nauarrus v-  
bi sup. c. 19.  
nu. 6.

Nauarrus c.  
19. nu. 3. in  
Manuale Cõ-  
fess.

Caietan. 2. 2.  
q. 16. art. 3.

Quomodo  
Alearum lu-  
dus peccatũ  
mortale pos-  
sit esse.

debi-



Nau arrus  
pag. 12.

Iustiniani  
Imperatoris  
decretum.

Præmiū in  
ludo vincē-  
tis est vnus  
tantum Soli-  
di, id est Au-  
rei.

*debita statuto tempore soluere, &c.* Hæc dicto in loco Nauarrus, cuius verba de lucro in Alea-  
rum ludis pensitanda sunt, & memoriæ man-  
danda, quæ prius recitata fuerunt, quatenus  
eius doctrinæ, ac sententiæ magis consona iu-  
dicantur. Immò, si inter ludentes aliquod  
lucrum proponatur, vnusquisque memor sit  
concessionis Iustiniani Imperatoris, qui Alea-  
rum ludo vetito, permittens quinque genera  
ludorum, industria, & arte magis, quàm for-  
tuna nitentium, verat quoq. ne præmiū ma-  
gis, quàm vnus Solidi, hoc est, Aurei, pro-  
ponatur vincenti, etiam si multum diues sit.  
Ecce quomodo ludus Alearum vetitus mor-  
tale peccatum esse possit, & quidem graue,  
& quomodo sine peccato exerceri queat,  
præsertim verò ab Ecclesiasticis viris, quibus  
multò magis, quàm Laicis vetitus esse cense-  
tur ob Ecclesiastica præsertim bona, quibus  
ipsi potiuntur: nam per ludum vetitum, redi-  
tus in vsum pium dicatos, in prophanum, &  
vetitum vsum conuertunt.

Quæsitum Secundum, *Quomodo, & quando Lucrum in Aleorum Ludo factum; restitui debeat.*

**I**uxta Doctrinam S. Thomæ Doctoris Angelici, necnon aliorum Doctorum; quâdo, & quomodo lucrû restituendû sit, scire oportet, Distinctionibus ad hanc rê pertinentibus diligenter consideratis. Nam Sanctus Thomas in 2. 2. tribus in Casibus acquisitum, siue lucrum in Aleorum ludo factum restituendum esse affirmat.

1. Primò quando ludens lucratus est, idest suscepit lucrum à victo, qui rem suam alienare non poterat, cuiusmodi sunt Filij Familiæ, qui adhuc sunt in potestate Patris; necnon qui sunt minores viginti quinq; annis; Coniux item, Furiosi, & prodigi, & alij consimiles sub Tutoribus existentes. Hoc item intelligendum est de Religiosis, deque Monachis, & Monialibus. Huius autem generis lucrum acquisitum restitui debet Patribus, Maritis, vel Tutoribus eorundem, vel eorum Superioribus. De hoc enim lucro eleemosyna fieri nō debet, vt ait S. Thomas cum alijs Doctoribus.

S. Thom. 2. 2.  
q. 32. art. 7.  
ad secundû.

Nauarr. c. 19  
nu. 12.

Thodocus Lo-  
richius in  
Thesauro n.  
5. ludi.

S. Th. vbi sup

S. Thom. 2. 2.  
3. 32. art. 7.

2. Secundò restituendum est lucrum in Alearum ludo factum, quando quis cum aliqua lucratus est fraude: lucrum enim hoc modo factum nuncupatur furtum. De hoc autem lucro, ut ait S. Thomas, eleemosyna fieri non potest, sed ei, qui victus fuit, & amisit, est omninò restituendum.

S. Thomas 2.  
2. & 4. sentent.

Io. Azor p. 3  
lib. 1. c. 14.  
S. Raymund.  
l. 2. ubi sup.

3. Tertiò restituendum est lucrum in Alearum ludo factum ab eo, qui ex auaritia lucri, & nimia, ut ita dicam, importunitate traxit aliquem nolentem ad ludendum. Hoc autem lucrum restituendum est ei, qui ad ludendum compulsus fuit, vel in principio, vel in medio ludi. De hoc enim lucro eleemosyna fieri non potest. Si autem qui impulit alium ad ludendum, amisit, ei repetitio lucri non competit; & qui compulsus lusit, lucratus est, restituere non tenetur: quia ille, qui amisit, accipere non est dignus; propterea de hoc lucro facto in ludo verito eleemosyna fieri debet, ut ait S. Thomas in 2. 2. & in 4. Sententiarum Dist. 15. de eleemosyna art. 4. quæst. 3. Istuc ipsum Ioannes Azor in tertia parte Institutionum moralium, S. Raymundus, & alij Doctores affirmant.

3. 32. art. 7.

An verò acquisita per ludum Lege, vel Statuto prohibitum, restituenda sint, diversi di-

uerſa

uerſa dicunt . Quidam enim affirmant , quod ſunt S. Bonauentura in 4. Libro ſententiarum . diſt. 15. q. 2. art. 4. Paludanus in eodem libro . Diſt. 15. q. 3. art. 7. ad ſecundum . Beatus Antoninus p. 2. tit. 1. cap. 23. §. 3. Nicolaus Abbas Panorm. Guido Archidiaconus Bononiensis ; Raynerius in Summa Theologiae to. 1. c. 2. de elemoſyna ; Henricus Cardinalis Oſtienſis in Summa , Io. de Salas in Tractatu de Legibus , quaest. 96. diſt. 15. ſect. 8. & Gloſſa in libro 3. Decretalium tit. 1. c. 15. Clerici de Vita , & honeſtate Clericorum ; & alij Scriptores à Ioanne Azorio in medium allato in tertia parte Inſtitutionum Moralium lib. 5. cap. 24.

Ioannes Maria Verratus Carmelita , Theologus clariffimus , qui Catonis Carmina illuſtrauit Commentarijs , dum illud Catonis dictum , ſiue praeceptum , *Aleas fuge* , declarat , Alearum , ac Taxillorum ludum diabolicum à Diabolo inuentum fuiſſe oſtendit , ac tandem ait : Merito igitur vniuerſalis Eccleſia ſanctè , & iuſtè decreuit , & voluit huiusmodi ludum eſſe omninò prohibitum ratione multorum malorum , quae ex eo ſequuntur , infamiae ſcilicet , omiſſionis temporis , furti , auaritia , luxuria , ſuperbia , blaſphemia , & aliorum id genus malorum . Deinde lucrum in huius generis ludo , quatenus prohibito , factum , reſti-

S. Bonau. lib. 1. ſent. Inſtitutionū Moralium .

Antoninus .

Panormic.

Guido .

Raynerius .

Henric. Car.

Oſtienſis ,

& Io. de Sa-

las de Legi-

bus .

Gloſſa in lib.

3. Decreta-

lium .

Verratus in

Carmina Ca-

tonis .

tuendum esse concludit. De nonnullis autem alijs personis ita loquitur: Filij Familias, Serui, Ancilla, Uxores, Religiosi, Beneficiati, etiam ludentes ludo non prohibito sine fraude, & dolo acquisita per ludum tenentur restituere, quia nullum ius habent super his bonis. Hæc ad verbum Verratus.

Ricard. opinio securior & communior.

Ricardus verò in 4. lib. Sent. Dist. 15. Art. 5. q. 8. ait de ludo Alearum communior, & securior, esse hanc opinionem de lucro restituendo affirmatiuam: alia enim opinio asserit restitui non debere ante condemnationem Iudicis, neque Pauperibus, neque ei, qui perdidit in ipso ludo.

Alex. tom. 4. sent. q. 33. Membro 2. art. 5.

Alexander autem de Ales ( vt Ioannes Azorius ait ) sibi constare non videtur, dum primum ait, acquisita per ludum non esse restituenda ex obligatione; deinde acquisita per ludum, in quo est turpitudine contra ius naturale, & contra iura humana, restituenda esse affirmat.

Didacus Couarr. 1. p. Relectionis 4. tom. 2. Ioan. Azor. ubi sup. p. 3. Institut. Moralium lib. 5. cap. 24. c. 24. 25. 26. 27.

Hanc de lucro facto in Alearum ludo quæstionem satis diffusè scribit Didacus Couarruias, & præsertim Ioannes Azorius, qui vtriusque opinionis Auctores recitat, & ad opinionem vtramque declarandam, Notanda quædam, atque octo Quæsitæ ad hanc rem pertinentia in medium affert, multaque alia

scitu

scitu digna de vetito Alearum ludo quattuor capitibus comprehensa eruditè declarat in quarto Quæsito hisce verbis : *Restitutionis obligatio ex iure naturali non est quia quisque voluntate sua potest rerum dominium in alium transferre. Nec item ex iure Ciuili, quia ius Ciuile solum concedit, ut possit repeti officio Iudicis, quod est per ludum, lege prohibitum; acquisitum; non autem Ius Ciuile constituit, ut acquisita per ludum Alea in conscientia restituantur.* Hæc ibi Azorius, cuius sententia inter Theologos communior est, magisq. recepta.

Azorius 3.p.  
Institut. Moral.

Ecclesiæ autem Ministri perpendant illud, quod Sanctus Bernardus in Sermone super Cantica de Clericis, & Ministris Ecclesiæ, ita inquit : *Timeant Clerici, timeant Ministri Ecclesiæ, qui in terris Sanctorum, quas possident, tam iniqua gerunt, ut stipendijs, quæ sufficere debeant, minime contenti, superflua, quibus egeni sustentandi forent, impiè, sacrilegèque sibi retineant, & in usus suæ superbiæ, atque luxuriæ victum pauperum consumere non vereantur; duplici profectò iniquitate peccantes, quòd & aliena diripiunt, & sacris, in suis vanitatibus, & turpitudinibus, abutuntur.*

S. Bern. Ser.  
23. To. 1.

Sanctus deniq; Bernardus in Epistola ad Fulconem puerum, postea Ligonensem Archidiaconum, de ipso tamquam Ecclesiæ Mi-

S. Bern. Ep. 1.  
To. 2.



nistro in hanc loquitur verborum formam :  
*conceditur ergo tibi ; ut si bene seruis , de Altario  
 viuas , non autem de Altario superbias , ut inde  
 compares tibi frana aurea , sellas depictas , calcaria  
 deargentata , varia , griseaque pellicea , à collo , &  
 manibus ornatu purpureo diuersificata . Denique  
 quidquid præter necessarium victum , ac simplicem  
 vestitum de Altario retines , tuum non est , rapina  
 est , Sacrilgium est .*

Notandum .

Hæc ad verbum S. Bernardus , qui quamuis  
 dum de malo bonorum Ecclesiasticorum vsu  
 loquitur , nullam faciat mentionem de ijs , qui  
 in Aleatorum ludo à Lege Canonica , & Ciuili  
 verito , & non solum à sanctis Doctoribus , &  
 ab alijs Christifidelibus , sed etiam ab Ethni-  
 cis tantoperè damnato , dicta bona cōsumunt ;  
 hoc tamen subintelligendum omninò cense-  
 tur : quia si omne superfluum , quod à Cleri-  
 cis , & Ministris Ecclesiæ de bonis Ecclesia-  
 sticis , præter necessarium victum , & simpli-  
 cem vestitum retinetur , & non in pauperum  
 victum , sed in vsum vanum consumitur , rapi-  
 na , & sacrilegium à sancto Bernardo nuncu-  
 patur , multò magis istuc ipsum affirmandum  
 est de eo , quod in huius generis ludo tam de-  
 testando consumi solet . Ludentes igitur tali  
 ludo Ecclesiastici Viri , verba sancti Bernardi

per-



perpendant . Omnes item , quicumque illi  
sint , ad Alearum ludos prohi , aut procliues ,  
ad memoriam excitent , & frequenter quidem  
dictum illud Caronianum perpulchrum , &  
diuulgatissimum :

Catonis di-  
ctum: Tro-  
cho lude A-  
leas fuge .

*Trocho lude, Aleas fuge .*

Trochus est vox Græca, & vt inquit Acron  
turbo est, qui à ludentibus pueris scutica agi-  
tatur , & rotatur : Est enim instrumentum li-  
gneum figuræ pyramidalis funiculo à pueris  
agitari consuetum . De hoc Trochi ludo loqui-  
tur etiam Martialis libro 14 . & Horatius de  
Arte, & in libro Carminum, vt iam diximus;  
Trocus autem ab Italis vocitatur *Trocola*, &  
*Trotola*; *Pirla*, e *Pirlo*, e *Moscola*; ab Hispanis  
*Trompo*, à Gallis *Sabat*, à Germanis *Eintopff*:  
quoniam verò Trochus est puerorum ludus;  
Latrunculos, quos vulgò Scacchos vocant;  
Viris animi recreandi, vel otium præsertim  
fugiendi gratia, propono, loco tamen licito,  
ac tempore decenti seruato, vt infra, & fusius  
quidem dicemus .

Acron Grā-  
maticus, &  
Horatij inter-  
pres. Martia-  
lis lib. 14 .

Hor. in Arte  
Poetica, &  
lib. 3. Carmi-  
Ode 24 .

*De licito Latrunculorum Ludo antiquitus inuento  
Alearum loco, & de inuentore ipsius Ludi.*



Learum loco ludus Latrunculo-  
rum, qui vulgò *Scaechi* vocitan-  
tur, antiquitus pro militibus in  
longa obsidione detentis, otium  
consummandi gratia inuentus, exerceri potest  
interdum, vt infra ostendemus.

Alexander  
lib. 3. Genial.  
dierum c. 11.

De Latrunculorum ludo sub Calculorum  
nomine Alexander ab Alexandro Iurisperi-  
tus, & Vir, vt aiunt, exquisitè doctus, loquitur  
in tercio Genialium dierum libro, in quo di-  
ctum ludum præcipuum apud antiquos fuisse  
ait, & cur Calculos, aut Latrunculos, Latrones  
dictos olim fuisse declarat in hæc verba: *Lu-  
dus Calculorum, veteribus præcipuus fuisse tradi-  
tur, qui & Latrones dicti: hi enim in duas diuisi  
Turmas erant colore diuersi, quorum alij Milites,  
alij Hostes: Horum lusus erat, vt Turmis instru-  
ctis, velut qui congregi acie parant, hinc inde sub  
Hostium imagine procederent à præscripto fine,  
quoad quisque progredi debeat, ita cauere oportebat,  
vt dum Hostem quisque inuadere nititur, alterius  
non pateat incursibus, qui etiam ex gemma fuere,  
Viris, & Mulieribus frequens, à melioribus, &*

*sum-*

summis honoribus, vel maxime cultus, & celebratus, quem Palamedes, Nauplij Eubææ Regis Filius, vir ingeniosus, & aliarum rerum inuentor ( vt in libro nostro, qui Bibliotheca Vaticana inscribitur, diffusè probauimus ) inuenisse proditur ad comprimendas otiosi exercitus seditiones. Hæc Alexander, ( parenthesi excepta ) ex cuius verbis confirmamus illud ipsum, quod nuper diximus; ludum scilicet Latrûculorum antiquitus pro Militibus in longa obsidione detentis otium consumandi gratia fuisse inuentum. Cur autem dicti Calculi, ( quos vulgò Scacchos appellamus ) Latrones, & diminutiue Latrunculi vocitentur, explicare necesse est. *Latro* namque ( Festo Pompeio Auctore ) vocitari solebat ille, qui conductus militabat quasi *λατρίων*, idest, seruiens: est enim *λατρία*, seruitus. Propterea Plautinus miles dixit: *Latrones, quos conduxī*, hoc est, Milites. Et in *Pœnulo* vsus est verbo, *Latrocinari*, pro stipendio præsentē militari. In *Trinummio* item dixit: *Latrocinatum ire*, idest, ad militandum. In *Curculione* pro mercede militari dixit: *Latrocinatus annos decem, mercedem accipio*. Hæc Plautus dictis in locis. Verum, quia ( vt Ioannes Fungerus ait ) hos milites mercede conductos Imperator, & Principes

Palamedes  
Inuentor La-  
trunculorū,

Bibliot. Vati-  
cana pag.  
123. & seq.

Andr. Tirac.  
in lib. Gen.

Fest. Pomp.  
de Verborū  
signific.

Plaut. in Mi-  
lite.

In *Pœnulo*  
in *Trinummio*,  
& in *Curcu-  
lione*.

Io. Fungerus  
in Etymolo-  
gico triling-  
gvi.

Varro dever-  
borum sign.  
lib. 6.

Festus Pom-  
peius de Ver-  
borū signif.  
Io. Fung. in  
Etymol. tri-  
lingui.

Latrunculo-  
rū inuentor.

Polyd. lib. 2.  
cap. 2.

circa se habere, & primos ad omne discrimen mittere solebant, Milites dicti fuerunt, ut Varro placet, *Latrones*, quasi *Laterones*, quippe, qui tamquam satellites vocati Imperatoris, vel Principis alicuius latera tuebantur. Nunc autem permutata vocabuli significatione, ait Festus Pompeius, viarum obsessores appellantur *Latrones*, quod à latere (inquit Fungerus cum Festo Pompeio) adoriantur, vel latenter insidientur, aut denique lateant, ut alios opprimere improuiso queant. Vtcumque verò sit, *Latrones*, & *Latrunculi*, quasi *Laterones*, & *Laterunculi* dicuntur illi *Calculi*, qui dicto in ludo instar Militum concertantium adhibentur.

Huius generis ludus circiter annum orbis conditi ter millesimum 685. à quodam viro sapiente, nomine Xerxe inuentus fuit, sicut Polydorus Virgilius in secundo de rerum Inuentoribus libro scriptum reliquit, ut illius Tyranni, qui tunc temporis regnabat, sauitiam coerceret per ludum illum Scacchorum, in quo per calculos ligneos repræsentatur certamen instar prælij. In hoc enim ludo per Calculos illos ligneos Reges, & Regina, Equites, & Pedites, necnon Castra, siue Arces, hoc est, loca munita Ciuitatum repræsentan-

tur,

tur, atque instar concertantium præliantes in Fritillis, aut Alueolis, hoc est, in Tabulis lusorij de Casula in Casulam mouentur. Hunc autem Latrunculorum, siue Scacchorum ludum, Xerxes excogitauit, quippe qui ob sequitiæ metum non audebat apertè monere officij sui Tyrannum, sed Scacchorum ludo, siue certamine, illum tacitè monuit, Maiestatem Regiam sine hominum viribus, & adminiculis, nec valere, nec tutam fore, Regemque ipsum faciliè oppressum iri, nisi inuigilaret, & à suis defenderetur. Quæ sanè omnia in illo Scacchorum ludo, siue certamine, instar prælij excogitato, faciliè demonstrantur. Nunc reliquum est, vt explicemus, vnde dicatur hoc nomen, *Scaccho*, idest, quænam sit vox.

Xerxes Latrunculorū  
Inuentor ex  
Polydoro  
Virgilio.

*Scacchorum vox quanam sit.*

Scacchi non à scandendo, vt Polydorus Virgilius opinatur, dicuntur; sed, vt ait Petrus Gregorius Tholosanus, in Syntagmate Iuris Vniuersi, est vox Hebraica, Hebræorumque inuentum ipsius ludi esse videtur, sicut hæ voces, *Scacchi*, & *Mathi*, quibus ipse Scacchorum ludus perficitur, ostendunt. Nam in ludo illo quando Rex ita vallatur, vel obsidetur,

Greg. Tholos.  
p. 3. lib.  
39. c. 4. pag.  
464.

Scach vox  
Hebraica.

Moſſ, vel  
Math vox  
Hebraica.

Mart. lib. 14.  
Epigr. 20.

Gilber. lib. 3.  
in Sylua Nar-  
rationum ..

Plin. lib. 7.  
Ep. 24.

vt à ſede ſua egredi cogatur, *Scach*, dici ſolet,  
quia, *Scach*, Hebræis eſt, *vallauit*, vel *ſepiuit*.  
Sed quia *Math*, vel *Moth*, apud Hebræos dici-  
tur mortuus; quando Rex in eodem ludo eſt  
omninò obſeſſus, & immobilis redditur; vt  
mortuus, dicitur, *Scach Math*; Italicè autem,  
& corruptè quidem *Scaccho Matto*; & ita lu-  
dus finitur. Hæc ex Gregorio Tholoſano.

Quamuis autem Latrunculorum, ſive Scac-  
corum ludus ab Hebræis inuentus dicatur,  
uſus tamen illius perantiquus Romæ cenſetur.

De hoc enim ludo ſub nomine Latronum  
facit mentionem Martialis in hæc verba:

*Inſidioſorum ſi ludis bella Latronum,  
Gemmeus iſte tibi miles, & hoſtis erit.*

Mecænas, & Q. Galba, inſignes, & eruditi  
Viri, Latronum, ideſt, Latrunculorum, ſive  
Scæchorum colluſores eſſe nonnunquam ſo-  
lebant, vt Gilbertus cognatus in Sylua Nar-  
rationum refert. Nam in ipſo ludo, & qui-  
dem ingenuo, non fors, aut fortuna domina-  
tur, ſed ingenium. De hoc eodem ludo ſub  
nomine Calculorum loquitur Plinius Iunior  
in Epistoſta 24. libri ſeptimi, eumque pro ani-  
mo recreando exerceri ſolere ait. De hoc

item



item ludo mentionem sub nomine Latrunculorum facit Seneca in libro de Animi tranquillitate cap. 14. In libro de breuitate Vitæ cap. 13. in Epistola 106. & in Epistola 117. sed in Epistola 106. ita inquit : *Latrunculis ludimus , & in superuacuis subtilitas teritur* , quasi dixerit : Frustra laboramus , dum ingenia nostra exercemus . In hoc enim ludo , uti sæpe iam diximus , non fortuna , sed ingenium dominatur .

*De Latrunculorum , siue Scacchorum ludo non vetito , animi recreandi , vel otium fugiendi gratia interdum exercendo iuxta insignium Scriptorum Sententias .*



Abbas Panormitanus in tertio libro Decretalium post multa inquit : *Ex his , & ex textu infertur , ludum Scacchorum Clericis non esse prohibitum , & fortius nec Laicis : quia hic ludus consistit in ingenio .* Hæc Abbas . Latrunculorum itaque , siue Scacchorum ludo non vetito unusquisque uti potest animi recreandi , vel otium præsertim fugiendi gratia , loco tamen licito , ac tempore decenti seruato . In hoc enim ludo non fors ,

Abbas Panormit. in 3. Decretalium cap. 15. to. 6.

vel



Petrus Da-  
mianus lib.  
Epist. i. ep. x.

Petri Da-  
miani laudes

Petrus Dam.  
lib. i. Epist.  
10. ad Alex.  
Papam, &  
Hildebrand.  
Card.

Episc. à Petro  
Damiano re-  
prehensus.

Episcopi re-  
prehensi re-  
sponso.

vel fortuna, sed ingenij vis, vel industria do-  
minatur, malis omnibus, quæ nuper fuerant  
enarrata, exclusis. Quamvis autem hæc sese  
habeant; Petrus tamen Damianus Ordinis  
S. Benedicti, Episcopus Ostiensis, & Sanctæ  
Romanæ Ecclesiæ Cardinalis; Vir in diuinis  
Scripturis studiosus, & eruditus, & secularium  
litterarum non ignarus, non minusque sancti-  
tate, quàm eruditione clarus, in Epistola ad  
Alexandrum II. Pontificem, & Hildebran-  
dum Sanctæ Romanæ Ecclesiæ Cardinalem  
conscripta, Scacchorum ludum sub nomine  
Alearum comprehendi opinatur, dum quem-  
dam Florentinum reprehendit Episcopum,  
quem cum turba commeantium resedisse, lu-  
doque Scacchorum præfuisse, audiuit. Petrus  
namque Damianus in reprehensione illa in-  
ter alia Episcopo dixit: *Rectè ne, tuique erat  
Officij, Vespere in Scacchorum vanitate colludere,  
& manum Dominici corporis oblatricem, linguam  
inter DEUM, & Populum mediatricem, sacri-  
legi ludibrij contaminatione fœdare? Præsertim  
cum Canonica decernat Auctoritas, ut Aleatores  
Episcopi deponantur. Et quid prodest ei, quem ef-  
ficaciter auctoritas damnat, etiam si iudicium ex-  
trinsecus non accedat?* Hæc Damianus, cui Epi-  
scopus respondit, aliud esse Scacchum, aliud

*Aleam.*

*Aleam. Aleas ergo ( subiungens ait ) Aucto-  
ritas illa prohibuit, Scacchos verò tacendo concessit.  
Hæc Episcopus defendendo sese, dixit. Con-  
tra cuius responsum Petrus Damianus ita in-  
quit: Scacchum Scriptura non ponit, sed utrius-  
que Ludi genus, Alea nomine comprehendit. Qua  
propter, dum Alea prohibetur, & nominatim de  
Scaccho nihil dicitur, constat proculdubio utrum-  
que genus uno vocabulo comprehensum, unius sen-  
tentia Auctoritate damnatum. Hæc Petrus Da-  
mianus, qui sub Alearum nomine Scaccho-  
rum etiam ludum comprehensum esse omni-  
nò affirmat, magno Christianæ Religionis, &  
Episcopalis dignitatis zelo commotus, quippe  
qui dictum Episcopum cum turba commean-  
tium resedisse, Scacchorum ludo præfuisse  
audiuit. Quod profectò Episcopi cum turba  
publicè factum, si pensitetur, talem mereba-  
tur reprehensionem. Episcopi namque ma-  
num, quæ, ut rectè ait Damianus, est Domi-  
nici Corporis oblatrix, & lingua inter Deum,  
& Populum mediatrix; talia in loco præser-  
tim publico, quem turba illa repræsentabat,  
facere non decebat: Episcopus enim ( ut S.  
Paulus in Epistola ad Titum scripta inquit )  
in integritate exempli bonorum operum, in doctrina,  
in gravitate seipsum in omnibus præbere debet. Epi-*

scopus

Petrus Da-  
mianus con-  
tra Episcopi  
responsum.

Petri Damia-  
ni represen-  
tio excusa-  
tur, & aliqua  
ex parte pro-  
batur.

Epist. ad Ti-  
tum cap. 2.

Abbas Pa-  
norm. cap.  
Clerici c. 15.  
to. 6.

Scacchorum  
ludus Cleri-  
cis vetitus nō  
censetur.  
Innoc. 4. lib.  
5. Decretal.  
tit. 12. cap. 9.

Archidiaconus.  
p. 1. Decreto-  
rum Dist. 35  
Episcopus.

Gregor. Say-  
rus lib. 11. c.  
12. nu. 4.  
Lib. 1. Codici-  
cis tit. 6. In-  
terdicimus.

Summa Ar-  
milla Tit. lu-  
dus nu. 5.

scopus itaque reprehensionem meruit ob ea,  
quæ in medium attulimus, quamuis ludus ipse  
Latrunculorum, seu Scacchorum sub Alea-  
rum nomine prohibitus nullo modo censeatur, ut  
Abbas Panormitanus ex communi Scripto-  
rum sententia in tertio Decretalium libro de  
Vita, & honestate Clericorum cap. 15. affir-  
mat dicens: *Ex his, & ex Textu inferitur, ludum  
Scacchorum Clericis non esse prohibitum, & fortius  
nec Laicis; & communiter hoc tenetur.* Idem vi-  
detur sentire Innocentius Quartus Pontifex  
Maximus in Quintum Decretalium Librum  
de homicidio voluntario, & casuali cap. 9. ubi  
Scacchorum ludum noxium non esse affirmat.  
Guido item Archidiaconus in prima parte  
Decretorum Distinctione 35. inquit: *Ludus  
autem Scacchorum non prohibetur; quia ibi potius  
humanum ingenium exercetur.* Istuc ipsum affir-  
matur à Gregorio Sayro. Glossator quoque  
in primo Codicis Libro, Titulo-sexto de Epi-  
scopis ait, *Scacchorum ludum Clericis prohibitum  
non esse, quia ludus ipse in ingenio naturali consistit.*  
Auctor etiam Summæ Armillæ inquit: *Licet  
ludi plures sint Clericis prohibiti, ut Alea-  
rum, Taxillorum, ac Tabularum cum Taxillis; ludus ta-  
men Scacchorum non est prohibitus, licet quidam  
teneant contrarium, & malè.* Martinus autem

Nauarrus in Manuale Confessariorum postquam dixit, Clericum, & Monachum absque veniali peccato interdum etiã Talis, & Charis lusorijs ludere posse ob honestam causam ad excitandum, & recreandum socium ægrotum, ea re indigentem, dummodo non frangatur lex vlla obligans ad peccatum mortale, de Scacchorum ludo ita loquitur: *Et ita contra vulgi opinionem omnium ineptissimus est ludus Latrunculorum, quem Itali Scacchorum, Hispani verò Axedrez, & Galli Eschez vocant; quia is minus, quàm alij, animum relaxat, quamvis magis liceat, quàm aliquot alij, qui lege prohibentur.* Hæc Nauarrus, ex cuius verbis colligimus, Latrunculorum, siue Scacchorum ludum esse licitum, sed omnium ludorum ineptissimum ad animum relaxandum, quia dictus ludus non in sorte, aut fortuna, sed in ingenio consistit.

Huc spectat illud, quod Petrus Andreas Canonherius Philosophiæ, Medicinæ, & Sacræ Theologiæ Doctor in secundo libro de Curiosa doctrina scriptum reliquit in hanc verborum formam: *Qui hoc ludo Latrunculorum amittunt, eorum perturbatio non aliunde exoritur, quàm ex ammissione, quæ cum precipuè, ac totaliter fundamentum habeat in nostro intellectu,*

Nauar. c. 19.  
11. 3. circa  
finem.

Scacchorum  
siue Latrun-  
culorum lu-  
dus ineptissi-  
mus pro ani-  
mo relaxan-  
do, sed lici-  
tus.

Canonhe-  
rius lib. 2. c.  
2.

ac mente, animum tristitia quadam permolesta vehementer afficit: Hic enim cognoscitur, quinam acutiori intellectu polleat; quod de nulla alia re certò sciri potest: omnes enim alij ludi, vel fortuna, vel aliquo iudicio, vel mixti sunt; sed iste totum hominis iudicium exigit. Hæc Canonherius, qui Nauarri sententiam, quantum ad animi relaxationem in Latrunculorum ludo, comprobare videtur.

Hæc de Alea, & Latrunculorum ludis. Nunc reliquum est, vt eorum omnium, quæ dicta sunt, in hoc Libello conficiamus Epilogum, ex quo eorundem Summa, siue Conclusio facilius memoriæ mandari poterit.

*Epilogus, & Conclusio dictarum præsertim rerum,  
quæ in duobus Quæstis iam explicatis  
comprehenduntur.*



Hæc de Alea ludo iuxta leges Canonicas, & Ciuiles tam ab Ethnicis, quàm à Christianis, sacrorumq. Conciliorum Decreta vetito; necnon iuxta sanctorum Patrum sententias, & aliorum Auctorum insignium scripta mihi dicenda visa sunt.

Quo-

Quoniam verò huius generis ludus etiã sub pœnis vetitus , vt superius dictum est, mortale peccatum non semper esse censetur , & lucrũ in eo factum non semper, neque cuilibet restituendum esse iudicatur ; Duo illa Quæsita, ad mortale peccatum , & lucrum restituendum pertinentia , iam in medium allata, & diffusè quidem explicata, hoc loco summatim, ac breuissimè sunt complectenda , vt dictarum rerum Summa tamquam Conclusio facilius memoriæ mandari queat .

*De peccato in ipsis ludis factò Conclusio.*

**Q**uamuis Alearum ludus secundum se non censeatur malus, ex adiunctis tamen malis circumstantijs malus reddi potest: quia ex quauis mala circumstantia , aut defectu, actus humanus redditur malus , vt sanctus Thomas Doctor Angelicus cum Dionysio inquit . Quamuis item dictus ludus ad eutrapeliæ virtutem reduci possit , frequentius tamen , & ferè semper lucrauiditate fieri solet ; hinc eutrapelia ipsa exerceri non potest : Nam eutrapelia , quæ apud Græcos, & Latinos vrbanitatem, leporem, iu-

S. Th. 1. 2. q.  
18. art. 4. ad  
3.  
Dionys. c. 4.  
de diuinis  
nominibus .

Eutrapelia  
quid sit .



S.Th. 2. 2. q.  
168. art. 1.

Aristoteles  
Ethic. vel Ni-  
comach. Mo-  
ral. lib. 4. c. 1.

S. Thom. in  
2. 2. q. 168.  
art. 1.

S. Thomas.

cunditatem, festiuitatem, comitatem, & fac-  
tiam honestam significat, non fit seriò, sed io-  
cosè, præsertim verò in verbis, aut factis ludi-  
cris, vt ait sanctus Thomas Doctor Angelicus:  
in Alearum autem ludo, dum pecuniarij lucri  
& præsertim magni auiditate, non iocosè, sed  
seriò luditur, eutrapeliæ virtus exerceri non  
potest; immò Aristoteles in quarto Ethico-  
rum libro capite primo, Alearum ludum ait  
esse turpem, & lucri acceptionem illiberalem  
appellat; Aleatores verò inter fures, ac latro-  
nes connumerat ob peccata illa maxima, quæ  
in eo fiunt, vti superius demonstratum fuit.  
Quare Aristoteles in eodẽ libro cap. 4. Alea-  
rum ludum ad eutrapeliæ virtutem reduci  
non posse, intelligere videtur. Quando item  
sanctus Thomas in 2. 2. quæst. 168. Art. 2. ex  
Aristotelis verbis, Eutrapeliæ virtutem circa  
etiam ludos positam fuisse ait, hoc non nisi de  
ludicris verbis, aut factis, quæ non seriò, sed  
iocosè fiunt, intellexisse iudicatur: & ita Ari-  
stotelis verba intelligenda sunt; adhibitis con-  
ditionibus alijs, quas sanctus Thomas in Ar-  
ticulo 2. & 3. docet, debere concurrere ad eu-  
trapeliæ virtutem; sin secus, ipse Philosophus  
in primo capite quarti libri Ethicorum sibi  
metipsi refragaretur, siue contradiceret, dum

Alea-



Alearum ludum turpem esse inquit, Aleatoresque ipsos inter fures, & latrones connumerat, & lucri acceptionem illiberalem appellat. Eutrapeliæ itaque virtus in Alearum ludo esse vix potest, dum lucri pecuniarij, & præsertim magni luditur aviditate, ob quam, uti iam diximus, multa interdum oriuntur mala, & quidem magna. Propterea S. Cyprianus Aleæ ludum Christiano homine minimè dignum, quatenus Diaboli cum idololatria institutum, & alueum mali, & mortale crimen esse affirmat. Sanctus item Raymundus multis rationibus Alearum ludum mortale peccatum, & quidem graue esse ostendit, ut superius ex doctrina eorumdem Sanctorum, & ita esse, conclusum fuit. Attamen, ut ait Nauarrus, non est semper mortale peccatum, præsertim verò, ut ipse inquit, dum potius honestæ recreationis causa, quàm lucri, & paruo quidem tempore luditur, nullius rei pecuniariæ lucro proposito, vel solum alicuius esculenti, vel poculenti, quod bis lucrifactum semel solvatur; vel spiritali lucro precû aliquarum pro vincente à victo dicendarum. Quamvis verò huius generis ludorum prohibitiones in desuetudinem abiisse videantur; Tridentina tamen Synodus dum loquitur de Aleis, & se-

S. Cypr. ro. 3.  
pag. 493. in  
Argumento  
Tractatus.

Nauar. c. 19.  
n. 3. Manual.  
confess.

Conc. Trid.  
sess. 22. c. 1.  
De reform.

Decreta de-  
fecta in vsu  
reuocanda.

cularibus negotijs fugiendis ab Ecclesiasticis Viris, decernit, vt sub ijsdem, & maioribus etiam pœnis ab Ordinario dictæ Sacrorum Conciliorum, & Summorum Pontificum prohibitiones in vsum reuocentur, non obstantibus consuetudinibus quibuscumque, sicut superius diffusè dictum fuit. Propterea dicta reuocatio ab omnibus Ecclesiasticis cuiuscumque status, vel conditionis hominibus diligenter consideranda, & memoriæ mandanda censetur.

### Conclusio.

*De lucro factò in Alearum ludo.*

S. Th. q. 32.  
art. 7. ad 2.



Verum in Alearum ludo factum restituendum censetur non solum quando quis fraudulentè lucratus est, vt ait S. Thomas in 2. 2. verum etiam quando ludens lucrum suscipit à victo, qui rem suam alienare non poterat, cuiusmodi sunt Filij Familiæ; necnon Religiosi, & Moniales. Cuiusmodi verò huius generis lucrum restitui debeat; Quando item de tali lucro eleemosyna fieri debeat, iam suo loco satis diffusè declaratum fuit. Hæc ex Doctore Angelico, & ex

alijs

alijs Doctoribus, quos in duobus illis Quæstis in medium attulimus.

Lucrum igitur in vetito Alearum ludo factum restituendum est, Distinctionibus, quas iuxta doctrinam Theologorum, & Sanctorum Doctorum in medium attulimus, pensatis, & obseruatis.

Denique iuxta Theologorum doctrinam ludentes cum Filijs Familias, cum Seruis, Ancillis, & Vxoribus, cum Religiosis, & Monialibus, & Beneficiatis, lucrum, quod ab eis in ludo acceperunt, restituere debent Patribus, & Maritis, vel Tutoribus eorundem; necnon Superioribus Personarum Ecclesiasticarum: Tales enim Personæ super illis bonis nullum ius habent, vt ait Verratus in Cationem. Hæc autem sunt perpendenda ab Ecclesiasticis Viris, qui bonis Ecclesiasticis potiuntur: Talia enim bona nō in prophanum, sed in vsum honestum suum, necnon in sanctum, & pium vsum conuerti debent, seruatis seruandis.

Io. Verratus

Præterea ex iure naturæ iuxta Canones, ac Theologorum doctrinam decretum esse censetur, vt ille, qui lucratur ab eis, qui dominium, & administrationem rerum non habent, vero domino, aut administratori re-

stituere

stituire debeat, quod lucratum est.

Serui in bello capti, qui mitius tractandi sunt, sibi acquirunt quidquid eis donatum est, aut legatum, aut licitè ludendo lucrantur. Sed serui empti, hoc est, qui seipsum vendiderunt, non item: hi enim, teste Ludouico Lopez, quidquid sunt, ipsius domini esse dicuntur. Ideo quidquid acquirunt, vel lucrantur, ipsi domino acquirere, ac lucrari censentur.

Lopez p. 2.  
Instruct. Cō-  
st. c. 33.

*Conclusio de Alearum Ludis detestandis,  
& euitandis.*




T denique tot pericula, tot damna, tot mala, tot peccata, tot blasphemiae, totque nefanda scelera ex Alearum praesertim ludis nasci consueta, euitentur, Aleas detestandas, & sub poenis vetitas à sacrosanctis Concilijs, necnon à Canonica Legge, ac Ciuili tam Theologorum, quam Sanctorum doctrina illustratis, & celebratis, quicumque ille sit Laicus, omnino fugiat, ac detestetur, praecipue verò Vir Ecclesiasticus, qualibet etiam dignitate insignitus, cui non solum Aleis ludere, verum etiam huiusmodi

Ludo

Ludo interesse, siue huius generis Lufores  
inspicere, vetitum esse censetur iuxta In-  
nocentij III. Pont. Max. sententiam, in  
tertio Decretalium Libro dicentis: *Ad Aleas,  
& Taxillos Clerici non ludant, nec huiusmodi  
Ludis intersint.* Hæc Innocentius dicto in  
loco.

Innocentij  
III. Senten-  
tia.

*Conclusio de Ludo Scacchorum, siue  
Latrunculorum.*

 Cacchorum denique Ludo, nec  
Lege Canonica, nec Ciuili,  
nec à Sacrosanctis Concilijs  
vnquam vetito, vnusquisque  
vti potest animi recreandi, vel  
otium præsertim fugiendi gratia, loco tamen  
licito, ac tempore decenti seruato: In hoc  
enim ludo, vti non semel diximus, non fors,  
vel fortuna, sed ingenij vis, vel industria do-  
minatur, malis omnibus, quæ ex Taxillis, &  
Chartis lusorijs euenire solent, exclusis.

Nunc denique, vt finem dicendi faciamus,  
præscriptam Innocentij III. Pontificis Ma-  
ximi sententiam, tamquam sigillum huic no-  
stro Commentario, ad Omnipotentis DEI,  
ac Deiparæ Mariæ semper Virginis gloriam,

& Sanctorum omnium honorem, necnon ad Vniuersi Christiani Orbis, præsertim verò Ecclesiasticarum Personarum beneficiū conscripto, censui apponendum, & ita pro fine appositum esse volo cum alijs Doctorū Sanctorū sententijs diffusè superius enarratis, hic autē breuissimè, vt faciliùs memoriæ mādentur.

*Sententia Innocentij III. Pont. Max.*

Pag. 81.

**A**D Aleas, & Taxillos Clerici non ludant, nec huiusmodi Ludis intersint.

*Sententia S. Cypriani inter alia superius enarrata.*

Pag. 25. 77.

**A**lea, Diabolicum cum Idololatria institutum, est Alueus mali, & supplantatio amici. Alea ne luseris, vbi lusus nocuius est, & crimen mortale; vbi dementia, sine consideratione; vbi nulla veritas, sed mendaciorum mandra.

*Sententia S. Raymundi inter alia multa superius enarrata.*

Pag. 51. 54.

**D**E Ludo Aleæ teneas, quòd illi, qui ludunt ad Aleas, vel Taxillos, vel qui Lu-

do

do interfunt, vel sunt participes , vel inspectores Ludi , peccant, & maximè si sunt Clerici .  
*Et infra:* Collige, quòd tale peccatum sit mortale, & graue, cum tales poenæ non sint imponendæ pro leui crimine .

*Sententia S. Bernardi ad Ecclesie Ministrum  
post multa superius enarrata :*

**D** Enique quidquid præter necessarium victum , ac simplicem vestitum de Altario retines, tuum non est, rapina est , Sacrilgium est . Pag. 61. 62.

F I N I S.

Imprimatur,  
Si videbitur Reuerendissimo Patri Magistro  
Sacri Palatij Apostolici .

*Cesar Fidelis Vicesgerens .*



**E** Go Frater Gregorius Nunnus Coronel Lusitanus Ordinis Eremitarum Sancti Augustini professor, & Sacrae Theologiae Doctor, ex commissione Reuerendiss. Patris Sacri Palatii Magistri, quàm maxima potui diligentia legi, & expendi hunc Commentarium de vetito Alea ludo, compositum à Reuerendiss. Domino Fratre Angelo Roccha Episcopo Tagastensi, & Apostolici Sacrarum Praefecto, in quo nihil reperi, quod vel Fidei Catholicae, vel bonis moribus, Sacrorum Conciliorum Decretis, aut Sanctorum Patrum dictis (meo iudicio) repugnet: quin potius continet aliqua, quae Authoris eruditionem, & pietatem non obscure ostendunt; dictumque Commentarium impressione dignum reddunt. In quorum fidem, & c. Die xiiij. Aprilis M. DC. XVI.

*Idem qui supra manu propria.*

*Imprimatur.*

Fr. Hyacinthus Petronius, Ordinis Praedicatorum, Sacri Apostolici Palatii Magister.

# I N D E X

## RERVM · PRAECIPVARVM ·

Quæ in Commentario comprehenduntur.

<p style="text-align: center;"><b>A</b></p> <p><b>BBAS</b> Panormitanus ex communi Scriptorum sententia in tertio Decretalium libro Latrunculorum ludum, nec Laicis, nec etiam Clericis prohibitum fuisse affirmat. 69. 72.</p> <p>Addicere, est vendere plus offerenti. 48</p> <p>Aegyptius quidam Demon, id est sapiens nomine Theuth, multarum rerum inuentor. 6</p> <p>Alearum nomina diuersa. pag. 2.</p> <p>&amp; seq.</p> <p>Alearum inuentor, &amp; nomen. 5</p> <p>Alea pro Cbartis lusorijs. 2. 3</p> <p>Alea metaphoricè sumpta quid sit. 3</p> <p>Aleam iacere, &amp; Aleam, emere, ac subire quid sit. 3</p> <p>Alea, Miles quidam vocitatus: &amp; Alea, Ciuitas Archadia nuncupata. 5. &amp; Alea Minerua cognomen. 6</p>	<p>Alea, Vrbs Arcadia. 5. 6</p> <p>Alea, cognomen Minerua. 6</p> <p>Alea nomen unde dicatur, &amp; quid significet apud Graecos. 6</p> <p>Alearum ludus quomodo malus reddatur. 7</p> <p>ob malas ipsius ludi circumstantias mirum in modum à Doctioribus sanctis dñatus, &amp; prohibitus nō solum à Christianis, verum etiam ab Ethnicis. ibid.</p> <p>Alearum ludus Ciuilibus legibus etiam ab Ethnicis vetitus, &amp; maiorem in modum damnatus. 8. &amp; seq.</p> <p>Aleator ( inquit Seneca ) quanto est in arte melior, tanto est nequior. 10</p> <p>Alearum Ludus à Christi Fidelibus vetitus. 11. &amp; seq.</p> <p>Alearum Ludus à Iustitiano Imperatore vetitus. 13</p> <p>Alearum Ludus quomodo sine ulla culpa etiam veniali à</p>
--	---

Cleri-

Clericis, Religiosis, & Monachis exerceri possit. 12.	cussus, & vulneratus, cecidit in terram mortuus, & omnia intestina, sue interiora sui corporis cernebantur. 38
& seq.	
Aleazarum lusus, antiqua res est. 13.	Aleator blasphemus miraculose captus, fuit decollatus. 38.
Aleazarum Ludus Canonica Lege, atque Concilijs vetitus. 10	39. 40
Alea ludendi consuetudo, quamvis à pœna temporali excusaret, à pœna tamen gehennali non excusat. 22	Aleazarum ludus quid in se contineat. 45
Aleazaris ludus est Alueus mali, mendaciorum mandra, Diaboli institutum, & mortale crimen iuxta sententiam S. Cypriani. 25. 77	Aleazarum nomina, & cur earum Ludi iure vetiti legantur. 45. 49
Alea est mendaciorum, & peritiorum mater. 26. 27	Aleazarum quorundam insania, & calamitas admiranda, & penè incredibilis in Germania. 47. 48
Aleazarum Ludos omnia Iura diuina, & humana mirum in modum execrantur. 26	Aleazaris ludus quonam modo fiat mortale peccatum. 49. 50. 51. 52. 53. 54. 55. & 56.
Aleatorem Lucensem, qui Depare Mariæ semper Virginis Imaginem murò pictam saxo percussit, terra sese aperiens in profundam voraginem deglutiuit. 31	Annorum præscriptio. 14
Aleatoris blasphemii conuersio. 33	Apostolorum Canones à Sancto Raymundo in medium allati, & declarati ad probandum, quomodo in Aleazarum ludo fiat peccatum mortale. 53. & sequ.
Aleatoris blasphemii interitus, ictu inuisibili vulneratus. 38	Athalus Aleazarum inuentor. 5
Aleator blasphemus in Saxonie partibus ictu inuisibili per-	

B

S. Bernardi sententia de bonis ecclesiasticis. 61. 62  
conclusio eiusdem talis est:

Denique

Denique quidquid prater necessarium victum, ac simplicem vestitum de Altario retines, tuum non est, rapina est sacrilegium est. 62. 83	res fuerunt etiam Mecenas, & Q. Galba, Viri eruditi, & insignes. 68
S. Bernardi sententia de Alearum ludis. 61. 62. 83	Canonum Sanctorum Apostolorum liber à Græca lingua in Latinam translatus à Gentiano Herueto, & Commentarijs Theodori Balsamonis explicatur. 19
Blasphematoris, & Aleatoris interitus. 38	Canones Apostolorum à S. Raymundo in medium allati, & declarati ad probandum, quomodo in Alearum ludo fiat peccatum mortale. 53, & seq.
Brabantia in Ciuitate, quæ Louanium appellatur, magnum fuit miraculum contra Alearum Collusores blasphemos. 35	Catonis dictum. 28. 63
Bramans Architectus, & Pictor insignis Ecclesiam ædificauit tempore Ludouici Sfortie Ducis Mediolani in honorem Imaginis Deiparæ Maræ semper Virginis in sinu gestantis Filium. 43	Catonis dictum: Trocho lude, Aleas fuge. 63
C	Chartæ lusoriæ sub Aleæ nomine vocitantur. 3
	Christianus, & Iudeus collusores à Deo puniunt. 34
	Christus Dominus in forma hominis incogniti apparuit contra blasphemos Collusores Alearum. 35
Cæremoniarum liber antiquus a Benedicto Canonico Sancti Petri conscriptus, Guidone de Ciuitate Castellæ Cardinale postulante, qui ad Summum Pontificatum assumptus, Calestinus II. dictus fuit. 16	Clericis, ut ait Abbas Panormitanus in lib. 3. Decretalium, Scacchorum ludus nunquam fuit prohibitus. 69. 72
Calculorum, idest, Latrunculorum, siue Scacchorum collusores	Commentarij totius vniuersæ substantia: pag. 1
	Communione priuatio est excommunicatio. 19. 54

*Conclusio dictarum rerum, qua  
in duobus Quæstis iam ex-  
plicatis comprehenduntur.* 74  
*Conclusio de Alearum ludis dete-  
standis, & euitandis.* 80  
*Conclusio de ludo Latrunculorū,  
sive Scacchorum.* 81  
*Cubi, Tali, Taxilli, & Tesse-  
ra explicantur.* 2. 3  
*Cubitus triplex declaratur.* 31  
*S. Cypriani sententia de Alea-  
rum ludis.* 25. 77. 82

D

**D** *Adi, Cubi, Tali, Tesse-  
ra, & Taxilli quomodo  
sint idem.* 2. 3  
*Decreta desueta in usum reuo-  
canda.* 22  
*Deipara Maria semper Virgi-  
nis Imago ab Aleatore Lucen-  
si percussa, quattuor simul mi-  
racula fecit.* 31. 32  
*Demon quidam Aegypti, idest,  
sapiens, nomine Theuth, mul-  
tarum rerum inuentor.* 6  
*Diaboli institutum cum Idolo-  
latria, mendaciorum mandra,  
Alueus mali, & mortale cri-  
men est alearis ludus iuxta  
sententiam Sancti Cypriani.*  
25. 77

E

**E** *Ceclesia Sancta Maria de  
Pace Roma notanda.* 28.  
& sequ.  
*Et cur dicta Ecclesia ita voci-  
tetur.* 29  
*Hanc Ecclesiam edificandam  
mandauit Sixtus IIII.*  
*Exempla horrendorum euen-  
tuum ex ludis Alearum sub-  
orta.* 28. & sequ.  
*Eutrapelia quid sit.* 75

F

**F** *Lorentina Diæcesis in Ca-  
stro, quod vulgò Empoli  
vocitatur, Imago Deipara  
Maria semper Virginis asser-  
uatur gladio percussa à quo-  
dam Aleatore, & miraculosè  
cruentata.* 40. 41  
*Moneta miraculosè cruentata.  
ibidem.*

G

**G** *Asparis Riualdi Romani  
pium opus in Ecclesia San-  
cta Maria de Pace Roma fa-  
ctum.* 30. 31  
*Genestani, quod vulgò Genaz-*

zanum vocitatur, asseruatur  
*sacra Imago Christi Domini*  
*Crucifixi à milite quodam*  
*Aleatore in fronte, in vtero,*  
*& in cruribus vulnerata non*  
*sine magna sanguinis effusio-*  
*ne: Aleator autem ille, ac*  
*blasphemator ab alijs militi-*  
*bus fuit interfectus: Ensis*  
*item ille, quo Imago sacra*  
*fuit vulnerata, prope ipsam*  
*Imaginem asseruatur. 44*  
*Græcæ voces interpretantur. 3*

H

**H**ebraica voces interpretan-  
 tur. 68  
*Hunni, idest, Hungari Panno-*  
*niæ Populi. 47*  
*Hypodiaconus, idest Subdiaco-*  
*nus. 20*

I

**I** Mago S. Maria de Pace mi-  
 raculosa declaratur. 29. 30  
*Imago Deiparæ Mariæ semper*  
*Virginis saxo percussa, vul-*  
*gò, la Madonna del Sasso,*  
*vocitatur. 32*  
*Imago Christi Domini vulne-*  
*rata Genesiani, vel Genaz-*

zani asseruatur. 44  
*Innocentius V I I I. ob salutem*  
*sibi restitutam Altare maius*  
*cum ornamento construendum*  
*curauit Roma in Ecclesia*  
*Sanctæ Mariæ de Pace. 29. 30*  
*Innocentij I I I. sententia de*  
*Alearum ludis. 81. 82*  
*Io. Azorij sententia inter Theo-*  
*logos communior, magisque*  
*recepta de lucro factò in*  
*Alearum ludo. 60. 61*  
*Io. Verrati sententia de pecca-*  
*to, & lucro factò in Alearum*  
*ludo iuxta Ecclesiæ decretum.*  
 59  
*Iudeus, & Christianus colluso-*  
*res à Deo puniti. 34*  
*Iustinianus Imperator quinque*  
*Ludos licitos inuenit, Alea-*  
*rum Ludo vetito; & in illis*  
*ultra vnum Solidum ludere*  
*non permisit, etiam si luden-*  
*tes multum diuites forent.*  
 13. 14. 18. 56

L

**L** Apis lydius, vel paragonius  
 quid sit. 30  
*Latrones, & quasi Laterones,*  
*& Latrunculi cur ita dicantur*  
*Seacobi. 64. 65. 66*

M

Latro-



- Latrocinari pro militare ; & Latrones pro Militibus , dici solebat à Scriptoribus antiquis.* 64. 65
- Latrones insidiosi pro Scacchis antiquitus dicebantur.* 68
- Latrunculi sunt, qui vulgò Scacchi dicuntur, cur liciti, & honesti dicantur.* 46
- Latrunculorum ludus antiquitus inuentus, & eius inuentor : & est ludus licitus.* 64. & seq.
- Latrunculorum diuersa nomina, & vulgò Scacchi dicuntur. Et cur Latrunculi, & Latrones dicantur.* 64. 65. 66
- Latrunculorum inuentor fuit Xerxes ; & cur inuenit hunc ludum.* 66. 67
- Latrunculorum, siue Scacchorum diuersa nomina.* 73
- Latrunculorum, siue Scacchorum ludus licitus, sed cur ineptissimus pro animo recreando, ex Nauarro, & Canonberio.* 73. 74
- Latrunculorum, vel Calculorum, siue Scacchorum collusores fuerunt Mecenas, & Q. Galba, Viri eruditi, & insignes.* 68
- Latrunculorum, siue Scacchorum ludus non vetus, animi re-*
- oreandi, vel otium fugiendi gratia interdum exercendus conceditur iuxta insignium Scriptorum sententias.* 69.
- & sequ.*
- Latrunculorum ludus nec Laicis, nec etiam Clericis prohibitus fuit, ut ait Abbas Panormitanus in lib. 3. Decretalium.* 69. 72
- Nauarri sententia de Latrunculorum ludo.* 73
- Licinius, Antonij collusor, Alea condemnatus apud Ciceronem inuenitur.* 8
- Luca, Ciuitatis Hetruriae, vel Tusciae, Aleatoris horrenda miseria, & desperatio, necnon insana percussio.* 31. Aliud miraculum cōtra blasphemum Aleatorem. 32. 33. Aleatoris blasphemii conuersio. ibid. 33
- Lucrum in Alearum ludo factum in tribus casibus restituendum esse affirmat S. Thomas Doctor Angelicus, & ex dicto lucro in tribus casibus facto eleemosynam fieri non debere ostendit.* 57
- Lucrum in Alearum ludo factum quomodo, & quando restituendum sit.* 57. De hac re opiniones



*diuerſa.* 59  
*Lucrum precum ſpirituale in-*  
*Alearum Ludo faciendum.*

13  
*Ludi à Iuſtiniano inuenti, &*  
*conceſſi.* 14. 15  
*Declaratur, quinam fuerint*  
*illi ludi.* 17. & ſequ.

*Ludouici Sfortiæ Ducis conſenſu*  
*fuit Mediolani adificata Ec-*  
*cleſia in honorẽ Deiparæ Vir-*  
*ginis in ſinu geſtantis Filium*  
*gladio vulneratum: in cuius*  
*Eccleſiæ Sacratio aſſeruatur*  
*dictus gladius.* 43. 44.

*Lydius lapis, vel paragonius quid*  
*ſit.* 30

**M**

**M** *Aſſatius Aleator, & Ima-*  
*ginis Chriſti Domini per-*  
*cuffor, ab ipſa Imagine per-*  
*cuffa miraculoſè cruentatus*  
*fuit magna ſanguinis quanti-*  
*tate; eiſque mira conuerſo,*  
*& ſanctitas.* 42. 43. 44

*Mediolani aſſeruatur Imago*  
*Deiparæ Mariæ ſemper Vir-*  
*ginis picta, & in ſinu ge-*  
*ſtantis Filium, in gutture*  
*vulneratum ab Aleatore Maſ-*  
*ſatio, qui ſanguinis magna*

*quantitate cruentatus adeò*  
*condoluit, ut graui pœnitentia*  
*quattuor, & amplius annis*  
*peracta, habitum monaſticum*  
*ſuſceperit, & in eo magna vi-*  
*ta ſanctitate vixerit.* 42. 43  
*Dicta Imagini ex magna t'o-*  
*pulorum deuotione, & eleemo-*  
*ſynis conſtruſta eſt Eccl: ſia à*  
*Bramante Architecto, & Pi-*  
*etore Ludouici Sfortiæ Ducis*  
*conſenſu.* 43. *Gladius, quo*  
*dicta Imago vulnerata fuit,*  
*aſſeruatur in eiſdem Eccleſiæ*  
*Sacratio.* 44

*Micare quid ſit.* 4

*Miles, Alea, dictus.* 5

*Mineræ cognomen, Alea.* 6

*Miſſa, à ſummo Pontifice nunc*  
*ſolemniter cantari conſue-*  
*ta, retinet morem quẽdam anti-*  
*quum in quibuſdam Monetis,*  
*quæ ipſi Pontifici dari ſolent*  
*poſt Miſſam: cantatam.* 17

*Moneta quanam fuerit illa, quæ*  
*antiquitus dari ſolebat ſum-*  
*mo Pontifici pro Miſſa benè*  
*cantata.* 16. 17

*Moneta, in qua ſculpta eſt Ima-*  
*go Deiparæ Mariæ ſemper*  
*Virginis, gladio ab Aleatore*  
*percuſſa, miraculoſè cruenta-*  
*ta cernitur Florentiæ, & in*

Reliquiario asseruatur in Ecclesia S. P. Augustini cum Indulgentia quadraginta dierum ijs qui dictam Reliquiam visitant, concessa. 41. 42  
Morra unde dicatur, & quid sit. 5  
& Giocare alla Morra. ibid.

## N

**N**auarri sententia de peccato, quod sit in Aleorum ludo. 55. 56  
Nauarri sententia de Latrunculorum, siue Scacchorum ludo. 73  
Eadem Canonherij. ibid.  
Neapoli in Hospitali S. Eligij asseruatur Imago Deiparae Mariae semper Virginis muro picta, & in facie vulnerata ab impio Aleatore, qui Florentiae fuit decollatus. 38. 39. In Ecclesia S. Laurentij Ordinis S. Francisci asseruatur Imago Christi Domini muro picta, & infra vulnus à Longino factum vulnerata fuit ab Aleatore, qui deinde in patibulo suspensus ex hac vita decessit. 40. Imago illa manibus ligatis representata,

ictu statim dato, manum dextram infra vulnus admouit.

40

Notanda nouem, ex quibus S. Raymundus concludit in Aleorum ludo esse mortale peccatum, & quidem graue. 51. 52. 53. 54

## O

**O**nuphrius Ostecutus Episcopus Florentinus concessit Indulgentiam ijs, qui visitant reliquiā miraculosè cruciatam, in qua est Imago Deiparae Mariae semper Virginis, in grosso argenteo sculpta, & ab Aleatore gladio percussa. 41. 42

## P

**P**Alamedes Tesserarum, vel Talorum inuentor. 5  
Par impar ludere quid sit. 4  
Paragonius, vel lydius lapis quid sit. 30  
Pauli Epistole ad Senecam, & Seneca ad Paulum. 10  
Pauli V. Pont. Max. auctoritate Imago Deiparae Mariae semper Virginis in locum magni-

- ficentius ornatum translata  
fuit, & collocata in Ecclesia.  
Sancta Maria de Pace.* 30. 31
- Peccatum mortale in Alea-  
rum ludo factum iuxta S. Cypria-  
ni sententiam.* 25
- Peccatum mortale, & quidē gra-  
ue quomodo fiat in Alea-  
rum ludis declaratur à S. Raymun-  
do ex nouem Notandis iuxta  
denique Apostolorū Canones.*  
51. 52. 53. 54
- Peccatum mortale quoniammodo  
fiat in Alea-  
rum ludis iuxta  
Nanarri sententiam.* 55. 56
- Petri Damiani laudes.* 30
- Petri Damiani opinio de Latrun-  
culorum ludo.* 70
- cur de hoc ludo à Petro Damia-  
no fuit reprehensus Episcopus  
Florentinus.* 70
- Petri Damiani reprehensio excu-  
satur, & aliqua ex parte  
probat.* 71
- Episcopi reprehensio responso.*  
70. 71
- Plebani cuiusdam Aleatoris in  
Germania moribūdi visio ad-  
miranda, & desperatio.* 37
- Precum spirituale lucrum in  
Alea-  
rum ludo faciendum.*  
13
- Premium vincentis in Ludis li-  
citis est unius tantum Solidi,  
idest, Aurei, iuxta senten-  
tiam Iustitiani Imperatoris;  
quāuis lusores ditissimi sint.*  
13. 14. 18. 56
- Prouerbia Seneca adscripta.* 10
- Q**
- Quaestum primum de Alea-  
rum ludo.* 49
- Quaestum secundum.* 57
- Quaestum secundum, quomodo  
scilicet, & quando lucrum in  
Alea-  
rum ludo factum resti-  
tui debeat.* 57. 58. 59. 60. 61
- Quaestio duo de peccato, & de  
lucro facto in Alea-  
rum ludis.*  
49. 57
- Conclusio rerum dictarum in  
duobus Quaestis.* 74. 75. 76.  
77. 78
- R**
- S. Raymundi sententia de  
peccato, quod fit in  
Alea-  
rum ludo.* 51. 52. 53. &  
seq. & 82
- Ricardus communiorē, & se-  
curiorē opinionem esse ait  
affirmatiuam, de lucro resti-  
tuendo facto in Alea-  
rum lu-  
do.* 60

*Ritus antiquus, qui nunc in Mis-*  
*sa à Summo Pontifice solem-*  
*niter cantata obseruatur. 17*  
*Roma in Ecclesia S. Mariae de*  
*Pace Imago miraculosa eius-*  
*dem asseruatur. 29. 30*

S

**S** *Ancti Scriptores contra Lu-*  
*dum Alearum. 25. & seq.*  
*Scacchorum vox quenam sit. 67*  
*Scach, Matb, vel Moth, sunt*  
*voces Hebraicae & quid signi-*  
*ficient apud Hebraeos; & cur*  
*in ludo Scacchorum ita dica-*  
*tur Italicè, Scaccho Matto. 68*

*Scacchorum, siue Latrunculorum*  
*ludus licitus, sed cur ineptis-*  
*simus pro animo recreando,*  
*ex Nauarro, & Canonherio. 73. 74*  
*Segregare, est communione pri-*  
*uare, vel excommunicare. 20. 21*

*Seneca Epistola ad Paulum, &*  
*Pauli ad Senecam. 10*  
*Seneca à S. Hieronymo in Cata-*  
*logo Sanctorum ponitur. 10*  
*Seneca sententia de Latrunculo-*  
*rum, vel Scacchorum ludis. 69*

*Seneca Prouerbia adscripta. 10*  
*Vide ibidem prouerbiū per-*  
*pulchrum de Aleatore dictum,*  
*Sixtus I I I. Ecclesiam Sanctae*  
*Mariae de Pace Roma adifi-*  
*candam mandauit. 29*  
*Solidus tempore Iustiniani Im-*  
*peratoris quenam fuerit mo-*  
*neta. 15. 56*

*Solidi quinam fuerint illi, qui*  
*antiquitus dari solebāt Sum-*  
*mo Pontifici, Cardinalibus,*  
*& alijs Ecclesiasticis Viris ob*  
*actiones laboriosas in Ecclesijs*  
*praestitas. 16*

T

**T** *Ali, Taxilli, Tessera, &*  
*Cubi quinam sint, expli-*  
*catur. 2. 3*  
*Tali, Taxilli, Tessera, Cubi, &*  
*Dadi quomodo sint idem. 2. 3*  
*Theuth, Daemon quidam Aegy-*  
*pti, idest, sapiens, multarum*  
*rerum inuentor. 6*  
*S. Thome sententia de lucro fa-*  
*cto in Alearum ludo. 57*  
*Trocho lude, Aleas fuge. 63.*  
*Trochus, vox Graeca est, & lu-*  
*dus puerilis, eiusdemque di-*  
*uersa nomina. 63*